

經

大寶積經

六十一之

六十五

人

C40
4514
26



C40-4514

了翁上座請大藏及有
家書置之於別業山
我微笑塔院庑府中
為學者不敢許出院內
當山二世鐵牛機謹誌



B 64853

大寶積經卷第六十一

高齊北天竺三藏那連提耶舍譯

菩薩見實會第十六之一

序品第

如是我聞一時佛在迦毗羅國尼居陀林與大比丘
衆千二百五十人俱其名曰優樓毗螺迦葉伽耶迦
葉那提迦葉摩訶迦葉舍利弗大目犍連一切皆是
大阿羅漢諸漏已盡無復煩惱其心自在心善解脫
慧善解脫如大龍象所作已辦皆棄重擔逮得已利
盡諸有結於正教中心得善解於一切法心無所礙



到於彼岸自得解脫解脫眷屬自得調伏調伏眷屬
自得寂定寂定眷屬自得度脫度脫眷屬已到彼岸
彼岸眷屬已到陸地陸地眷屬自得安隱安隱眷屬
自得寂滅寂滅眷屬自破煩惱煩惱眷屬自得沙
門沙門眷屬自得息惡息惡眷屬自婆羅門婆羅門
眷屬自除惡法除惡法眷屬自了知諸法了知諸法
眷屬自能得度能得度眷屬自具諸德具諸德眷屬
自無煩惱無煩惱眷屬自離五支離五支眷屬自得
離障離障眷屬自得靜意靜意眷屬自具六通具六
通眷屬自離憎愛解脫離憎愛解脫眷屬自守護一

心守護一心眷屬自念門具足念門具足眷屬自依
四依四依眷屬自離種種諸見離種種諸見眷屬自
棄諸希望棄諸希望眷屬自得盡行盡行眷屬自得
事訖事訖眷屬自修自修眷屬自無濁念無濁念眷
屬自斷有覺斷有覺眷屬自倚身行倚身行眷屬自
得樂不動樂不動眷屬自心善解脫心善解脫眷屬
自慧善解脫慧善解脫眷屬自得賢聖賢聖眷屬如
是等比得離枝葉除去皮膚唯有心實堅固而住爾
時世尊於其後夜露地而坐時比丘衆四面圍繞爾
時世尊默然而住觀比丘衆告諸比丘汝等諸人訪

覓一人堪能往化淨飯王者爾時慧命阿若憍陳如
卽從座起偏袒右肩右膝著地合掌向佛卽便作禮
白佛言世尊我當往化淨飯王耶佛言汝止憍陳如
汝今具足大師之德不應往彼時有慧命婆溼摸及
大名耶輪陁優樓毗螺迦葉摩訶迦葉舍利弗大目
連等各白佛言世尊我等堪能往化淨飯王也佛告
摩訶目連汝等且止汝等皆悉具足大師尊重之法
不應往化爾時大德摩訶目連卽作是念世尊今者
欲令誰往化淨飯王耶爾時目連卽入如實三昧以
三昧力莊嚴其心卽得見佛意之所念在於慧命迦
盧陁夷欲令往化淨飯王耳譬如重閣樓牕之中日
從東入光照西壁如是目連見世尊心專在迦盧陁
夷欲令化王亦復如是爾時慧命目連卽從定起往
迦盧陁夷所到已白言世尊心念知汝堪能往化淨
飯王迦盧陁夷汝今應當發大勇猛速往化王目連
作是語已時慧命迦盧陁夷白目連言凡庶難化何
況國王何以故刹利種姓灌頂大王有自在力難可
化故大目連譬如聚積衆柴若二若三乃至千載如
此柴聚經多年歲甚大乾燥干時有人放火燒之成
大火聚於意云何此之火聚寧爲大不目連言甚大

若復有人更以無量酥油澆灌此火增盛不大目連
言轉熾倍盛於意云何此火可近不目連言難可得
近如是大目連刹利種姓灌頂大王難可教化不可
得近亦復如是大目連譬如狂象之牙可觸以不目
連言不可觸也如是大目連灌頂刹利難可教化亦
復如是時慧命目連復白優陀夷言世尊心念知汝
堪能往化淨飯王也優陀夷復白目連言世尊實垂
顧念謂我堪能往化淨飯王耶目連答言世尊實誠
念汝謂汝堪能教化父王爾時世尊自告優陀夷言
優陀夷汝可入城教化父王何以故唯我與汝堪能
教化淨飯王耳優陀夷我諸聲聞弟子之中汝能教
化諸邑聚落最爲第一爾時世尊卽以偈頌告優陀
夷言

諦聽優陀夷	汝能善教導	必令釋種喜
往化最勝王	王今受悟時	兼利諸天人
必得到彼岸	汝當速往化	釋種淨飯王
今懷恨亂濁	住念慧不行	猶如墜高崖
戀惜于高位	慧心盡迷沒	如商失重寶
追念生大苦	如天墜宮殿	追戀五欲樂
未知佛法	悲哀大惱亂	自念失七寶

及與人四道 憶此聖王位 口出非法言
王時悲亂言 不覺已及他 如奪精魂鬼
執持於人身 猶在鷄羅山 一切無所見
如是惱恨障 應見不復覩 亦如睡眠死
已心不自了 憂恨迷惑障 王不識自喜
如婦夫壻亾 悲淚生憂惱 王今癡惱亂
哀戀生大苦 汝具巧方便 往化淨飯王
摧倒邪慢幢 當建正法燈 更無有能化
淨飯大王者 唯汝優陁夷 過去曾同行
優陁夷當知 曾有大國王 名曰增長實

聲名震十方 如法作國王 一切皆歸化
能以正法治 王領四天下 城邑悉滿中
華果香園苑 多諸賢聖衆 無有穢惡人
芳林甚稠密 地淨無棘刺 多饒淨妙等
華池莊嚴好 人民廣熾盛 棄惡常善住
閉諸惡趣門 必昇妙天道 彼王昔有子
曾廣供養佛 備修諸善根 具足諸功德
名曰妙堅慧 億衆所供養 常見色欲過
棄家樂閑靜 父王勅子言 汝可受五欲
姝女自娛樂 遊觀寶宮池 我今爲汝辦

玩弄無乏少 云何不受樂 汝當說其意
知諸趣善妙 汝受寶宅中 女寶常圍繞
妙境甚可樂 諸仙處閑林 猶捨退還家
受諸色欲樂 況汝無乏少 姝女衆圍繞
王臣皆隨從 臺館若天宮 應受五欲樂
諸女甚端正 美麗若天人 善奏歌舞樂
可以自娛意 目如優波葉 唇赤若含丹
面滿廣黛眉 平額姝咽頸 臂平缺骨滿
譬如象王鼻 掌如蓮華色 指圓臍纖好
舌薄廣紅赤 美言若甘露 齒素利齊密

珠纓寶衣服 齋淡腹不現 脊如金剛杵
髀股臍圓直 伊尼鹿王腩 行步如鵝王
皆各瞻視汝 盛年甚可愛 堪能存後嗣
汝及衆麗人 猶如春華開 盛年色未退
應當速受樂 堅慧白父王 王言非正理
若有如法語 所勅不敢違 王聽我今說
樂善真實語 乃至於夢中 不起姪欲想
父王今此言 智者所不許 愚者樂此事
明人常所厭 何故明目人 而羨盲瞽導
豈有岸上人 反樂沉溺者 何有解脫人

而復樂牢獄 豈有安樂人 欽羨眾苦者
我意觀父王 如盲溺獄者 如夢受五欲
復爲欲所溺 父王如盲冥 我目見殊勝
王爲欲所漂 我今甚猷賤 欲如毒藥器
亦如毒蛇頭 如利刀劍稍 亦如大猛火
王臣勸化時 堅慧悉不許 捐親及國土
棄欲而出家 如蛇脫故皮 亦如棄涕唾
遠離於過惡 絕望永出家 堅慧捨俗時
臣子隨出家 其人名月施 棄欲隨堅慧
童子出家已 并及大臣子 成就四梵住

具足五神通 深見五塵過 超絕於欲界
轉正妙法輪 直生梵天上 童子出家已
父王起嫌恨 月施詣王所 善化令王喜
優陁夷當知 昔時堅慧者 遠離於五欲
今卽我身是 優陁夷當知 彼時增實王
豈爲異人乎 淨飯王是也 優陁夷當知
隨我出家者 月施汝身是 亦曾化增實
是故優陁夷 今應化父王 必有大利益
昔曾教化故

爾時慧命優陁夷受佛教已默然許可時優陁夷過

夜曉已至於食時著衣持鉢入迦毗城時有釋種一千餘人集在王門皆有所須時淨飯王聞佛如來到迦毗城在尼居林起嫌恨意此兒出家退我種族富貴大樂如其在家應紹金輪王四天下如法統領民無逆命七寶具足其七者何一曰輪寶二曰象寶三名馬寶四曰摩尼寶五稱女寶六曰主藏臣寶七稱導師寶具足千子勇健難當顏容美妙能摧強敵護四天下不以刀杖斷理國土如法治正自然泰平我得輪王自在快樂彼應尊重供養於我以見出家故所應得者悉皆墜落作是念已勅諸釋種一切不得

至我兒所敬信聽法若有犯者當斬其首時有釋種名曰喜面不在衆中不聞王教見優陀夷卽往其所稽首白言善來尊者得平安耶世尊安樂少病少惱起居輕利在路不疲供饌不乏也時優陀夷報喜面言如來安樂少病少惱起居輕利在路不疲飲食無乏時有釋種名曰善覺見喜面其優陀夷在屏處語亦詣其所白言大德自遠而來比康吉耶世尊起居安樂少病少惱在路不疲供饌無乏耶優陀夷答言如來聖御安樂在路不疲無所乏少爾時復有二釋種一名無憂二名離憂見喜面善覺其優陀夷在

屏處亦復棄衆往詣其所白優陀夷言善來至此氣
力好耶世尊起居安樂耶遠涉途路得無疲耶優陀
夷報言如來聖御安樂涉路不疲時二釋種重白言
如來途路何故無乏也優陀夷報言以四天王及天
帝釋諸梵天王常來供養故無所乏時諸釋種俱白
優陀夷言我等今欲詣佛至世尊所供養聽法恐不
獲遂何以故淨飯大王向有勅旨勅諸釋種悉皆不
聽至佛所供養聽法如有犯者當斬其首慮王憲故
不得禮拜供養聽受正法時優陀夷聞此語已知其
父王有大怨恨我今作何方便至王所也作是念已

我當舉高七多羅樹於虛空中結跏趺坐至於王所
爾時慧命優陀夷卽入如實三昧以其三昧莊嚴其
心復以神力舉高七多羅樹於虛空中跏趺而坐飛
空往詣淨飯王所時王遙見優陀夷以神通力於虛
空中跏趺而來從座而起合掌恭敬向優陀夷而說
偈言

染服大師從何來 成就威儀難見者
若有所須願速說 我今誠心必奉給
爾時慧命優陀夷以偈答曰

我是大王子之子 大王卽是我祖父

我為如來行乞食

得食奉送大善逝

大王今日獲善利

王兒人天最尊上

威德光明照十方

猶如秋月中時

如日處空離雲霧

光明晃耀普皆照

如是最勝王聖子

威德光顯聞十方

猶如秋月初出時

蔽諸螢火光普照

如是最勝王聖子

伏諸外道獨顯耀

猶如日中盛隆熾

陵於星辰故不現

如是最勝王聖子

降伏外道自光顯

猶如日中陵月明

令月失光明不現

是王聖子伏外道

如日感明月隱照

如禽獸聞獅子吼

水陸空行散還穴

驚奔逃走迷諸方

以獅子聲難忍故

大聖如來震吼時

邪外道聞無我聲

假使無知至有頂

聞此無我皆悉怖

旨冥愚癡人天中

有目如來示明炬

為作明燈除愚闇

興舉無上智光輪

顯示邪正等不等

教導世間道非道

為失路者示其路

拔欲淤泥置岸上

如興雲陰覆枯池

注雨充足原隰滿

如是大王仙聖子 興建法雨潤人天

如水沾地及山川 弁諸百卉叢林樹

藥艸條莖及枝蔓 諸華翦蔚徧山好

如是十力四無畏 具足十八不共樹

一切智果華莊嚴 王仙聖子微妙身

如須彌山處大海 嚴好不動天樂居

如斯善逝大王子 沙門海中最第一

初利天主舍脂夫 於天衆中奇特妙

如斯世尊大王子 沙門衆中最殊妙

吼說祕奧甚深法 以悲鬘電徧一切

如來龍王降法雨 念處池水細注下

持戒威德如日輪 以三昧力除惱闇

智慧光滅煩惱愛 大牟尼日照世間

具足念處摩尼寶 戒定船棧渡彼岸

覺支寶鈿禪浩滿 復求罕又入佛海

清淨戒根堅難動 三昧樹葉念處枝

七覺華空堅樹身 無我堅固成佛樹

戒林中行大力者 三昧調伏德山依

三解脫門為境界 佛十力牙是王子

正見無著牟尼尊 能降強敵勝牛王

恐怖種種諸外道

是大王子無畏吼

尸羅德藏妙莊嚴

禪定寂滅無量衣

具智牟尼解脫境

能施財物如長者

遠離諸惡集諸善

滅諸煩惱善慧根

慧施天人修羅等

光明晃耀王聖子

戒雲空慧以為電

八支網雨能潤澤

牟尼能與勝苗子

王子猶如大龍雨

爾時淨飯王以偈問曰

勝士得來安樂耶

至於飲食無乏少

身無疲勞牀臥具

如華在岸不萎萎

爾時優陀夷以偈答曰

禪定境界具神力

身心安樂徧充滿

牟尼神慮依寂止

猶如金蓮不枯燥

爾時淨飯王以偈問曰

昔以旌鼓自警悟

美音箏笛及簫瑟

妙好妓女以自娛

今獨林中不苦耶

爾時優陀夷以偈對曰

禪定寂定為境界

巧能修學三昧樂

行住坐臥依諸善

心常喜樂無苦惱

爾時淨飯王以偈問曰

無價寶牀常安臥

眠時美女衆在側

周圍廣設明燈樹

如何闇臥不悞感

爾時優陁夷以偈答曰

牟尼眠時臥聖牀

慈爲氎褥悲樂枕

佛住喜心常怡悅

捨三有趣不悞感

爾時淨飯王以偈問曰

諸健釋種常圍繞

博達多聞以爲伴

殿舍天宮中長養

如何今日樂林間

爾時優陁夷以偈對曰

如法生子恒現前

同修寂止在其側

心好閑林修諸定

離畏導師樂山林

爾時淨飯王以偈問曰

童子昔日在宮時

以天浴池而澡沐

亦用香澤塗其身

今在林間誰爲洗

爾時優陁夷以偈對曰

諸法池水戒善岸

牟尼自浴并浴他

已及諸子浮不濕

自度以訖及羣生

爾時淨飯王以偈問曰

昔種種香常熏體

金線真珠以嚴身

常著天子妙衣服

今在林間用何飾

爾時優陔夷以偈對曰

功德鬘嚴戒香熏

禪定纓珞慚愧衣

通明解脫自莊嚴

光明威德耀林中

爾時淨飯王以偈問曰

昔以刀劍弓箭矛

健士執持常防衛

亦用寶蓋恒覆陰

今獨林中誰守護

爾時優陔夷以偈對曰

慈悲忍辱自防衛

聲聞弟子眷屬力

以功德法定無怖

十力雄猛四無畏

爾時淨飯大王以偈讚曰

善哉善說我子德

久修善法不退轉

汝進食訖將飯去

我亦往詣牟尼王

爾時優陔夷復白王言大王婆伽婆是大眾師善御
羣生是大仙人能善安住沙門眾中沙門中王光明
普照譬如十五日夜淨月圓滿眾星圍繞光明甚盛
照耀一切世尊亦爾在沙門眾中光明照耀亦復如
是譬如秋月在於空中無諸雲翳彼婆伽婆亦復如
是在大眾中光明照耀亦復如是譬如帝釋天中之
王坐善法堂諸天之中光明顯赫彼婆伽婆在於眾
中光明是耀亦復如是譬如須夜摩天王兜率陀天

王化樂天王他化自在天王在天眾中光明顯耀威德獨尊彼娑伽婆於沙門眾中威德顯赫亦復如是猶如娑婆世界主大梵天王與百億梵眾之所圍繞光明是耀威德獨尊彼娑伽婆在沙門眾中光明顯赫威德尊勝亦復如是爾時淨飯王聞說娑伽婆道德已心作是念此乃世尊聲聞弟子猶有如是大神通大威力大功德何況如來復念太子本生之時大地六種十八相動動徧動等徧動涌徧涌等徧涌吼徧吼等徧吼震徧震等徧震起徧起等徧起覺徧覺等徧覺放大光明無人扶持行於七步空中二道流水注下洗浴其身自然而有真金聖座於虛空中化成天蓋諸天禮拜乃至未出家時不爲五欲之所迷惑凡有所作決定不退隨說能作一切時中堅固大力不作妄語不違信行本作是言我成阿耨多羅三藐三菩提自度已訖復當度王時王念佛爲菩薩時本誓願故說是偈言

若有初生已	明智言不虛	所說事不異
智者誰不信	若有初生時	世親說無等
必作天人尊	智者誰不信	若有不能惜
寶聚如雪山	離於貪恪者	智者誰不信

卷之二

若能於夢中 不作虛妄語 如說如修行

智者誰不信 如刀劍之語 不能惱令瞋

離於忿怒事 智者誰不信 無有能欺者

貪瞋亦不染 具足智慧王 智者誰不信

一切妙五欲 及以種種報 無有能繫縛

智者誰不信 種種希有事 及以眾妙物

無有能怖畏 智者誰不信 以諸美妙言

明人善巧說 無有能惑縛 智者誰不信

以諸順義語 諸欲決定句 於此不能縛

智者誰不信 以諸軍駕力 及以種種護

能出於妙城 智者誰不信 棄捨妙欲樂

為求甘露行 希望於菩提 智者誰不信

六年修苦行 勇猛無能當 求於勝菩提

智者誰不信 六年麤少食 求於勝菩提

利安諸世間 智者誰不信 六年為魔擾

相續求短缺 不能得其便 智者誰不信

遠離五欲過 不求於他物 常利益世間

智者誰不信 不從他聞法 自然成菩提

寂定難可覺 智者誰不信 梵天自勸請

勤求佛世尊 如請而演說 智者誰不信

哀憐愍我故 來到尼俱園 爲度諸釋種
智者誰不信 如來自度已 度我於有海
憶念本誓願 智者誰不信 今正得利時
知佛一切智 爲憐愍我故 智者誰不信
我今當往詣 見人導師身 作是思念時
自省是人王

爾時淨飯王久思量已白慧命優陀夷言比丘汝今
至此更何所須時優陀夷以偈答言

本爲利益大王故 我今乘通來至此
若於十力起一信 男女皆得趣善道

十力功德無邊際 大仙爲諸釋種來
欣欣之事今方至 人主應當發信心
大王名稱必增長 徧滿三千大千界
汝子既是人王藏 具足十力慈悲心
遊行十方心無礙 如華在水不染著
自度四流諸有已 亦度人天四瀑河
安置無畏洲岸上 大王應當信導師
拔去四流三毒箭 亦作羣生勝醫師
於衆醫中最尊上 大王應當深敬信
亦能降伏諸軍衆 魔王眷屬惡親黨

證於寂滅妙菩提

大王應當深敬信

諸人天王咸勸請

爲度衆生說妙法

敷演無上甘露藥

人中牛王應當信

隱蔽一切外道衆

轉過稱量妙法輪

化度無量億衆生

大雄人王應當信

無明厚覆黑闇中

自眼清淨復淨他

說法能除諸盲翳

大雄人王應當信

老病死畏逼迫者

說除老病不死法

令世間衆昇善趣

大雄人王應當信

三火所燒世間衆

如地洞然以水滅

說於八正聖爲人

大雄牛王應當信

除斷三穢吐諸惡

能離世間三垢濁

遊行十方甚奇妙

勇猛牛王應當信

如父愛子愍世間

十力大慈心普潤

起大悲愍度衆生

勇猛牛王應當信

難調能調婆伽婆

所應度者今悉度

能滅熾然諸煩惱

勇猛大王應當信

衆生墮於三有海

猶如船舫能濟度

十力大悲救世間

勇猛牛王應當信

無量功德端正身

大悲遊行化世間

令久濁心得清淨

勇猛大王應當信

如摩尼寶澄清水

遊行世間淨衆生

除斷羣迷競亂濁

勇猛大王應當信

如摩尼珠性清淨

能令智者心歡欣

世尊離惡心皎潔

令諸明人欣慕樂

於世間最起信心

能使天人離苦擔

捨諸有纏得寂滅

勇猛大王應當信

功德聚中說少分

如在虛空鳥一跡

佛功德岸我不知

大王應當深敬信

爾時淨飯王聞慧命優陀夷善說世尊爲菩薩時所

修功德卽自念知如來本誓我得度已必當度王如

是念已溪生敬信復白慧命優陀夷言比丘汝今卽

是我子之子汝可食竟速還佛所將食奉佛我今亦

當往見世尊爾時慧命優陀夷知淨飯王得於敬信

飯食已訖卽持餚饌奉上如來爾時佛告諸比丘言

優陀夷教化淨飯王得於正信諸比丘今日諸天世

人大得利益爾時世尊讚歎優陀夷言善哉善哉汝

於今日得大福德以淨飯王得敬信故爾時佛告諸

比丘言迦盧陀夷化淨飯王所得功德若是色者十

方世界恒沙佛刹所不容受以功德聚廣大無量故

大寶積經卷第六十一

校譌

第五紙

十八行臂宋藏作膺

第六紙

十二行受第

七紙

十八行斷宋藏作料

音釋

姝

春朱切美色也又好也

咽頸

咽因連切噎也咽喉也頸經郢切頭莖也

臍織

容切均也圓直也

髀股

髀部禮切股也又股骨也股音古臍本日股

所角切矛屬長

屏處

屏必郢切屏處謂有障蔽之處也

晃耀

晃胡切

光明也耀弋

淤泥

淤依倨切謂滓濁之泥也

隰

隰入切下濕曰隰又下平曰隰

許倬切艸

蔓

無取切

蓊蔚

蓊烏孔切蔚於物也蓊蔚艸木感貌

莫班

棧

房越切大船也又木舟也曰棧小曰桴

鈔

古猛切與鏹同

直由切

蒿萎

蒿於乾切不鮮也萎豈危切枯也

悒感

悒於急切感倉歷切並憂

也

氈褥

氈欲切延切撻毛席也褥儒欲切善也

矛

莫浮切銜兵也二丈為矛

河

暴蒲報切

舫

兩舟相並曰舫

餽

餽何交切餽餽也

難戀切

具食也

嘉興東禪寺義舍施貫刻此
大寶積經第六十一卷
儀真趙之昂書
萬曆乙未孟秋徑山興聖萬壽禪寺識
建陽吳良恩刻
豫章沙彌德定對

大寶積經卷第六十二

高齊北天竺三藏那連提耶舍譯

菩薩見實會第十六之二

淨飯王詣佛品第二

爾時世尊飯食澡手洗鉢器已現其瑞相卽時毗沙門天王以無量那由他百千億衆夜叉圍繞譬如壯士屈伸臂頃一念之中從天宮沒佛前而現頭面禮足住立北方於虛空中夜叉大衆前後圍繞合掌恭敬佛及衆僧提頭賴吒天王以無量百千那由他乾闥婆衆前後圍繞亦如壯士屈伸臂頃從天宮沒於

如來前頭面禮足住住東方於虛空中恭敬世尊及
比丘衆爾時毗樓勒叉天王以無量百千那由他鳩
槃荼衆之所圍繞亦如壯士屈伸臂頃從天宮没在
於佛前頭面禮足住於南方在虛空中合堂恭敬如
來及比丘衆爾時西方毗樓博叉天王以無量百千
那由他諸龍前後圍繞亦如壯士屈伸臂頃從天宮
没於如來前頭面禮足住住西方於虛空中合掌恭
敬如來及比丘衆釋提桓因天王亦復如是無量那
由他百千圍繞從三十三天没住於佛前頭面禮足
於虛空中恭敬如來及比丘衆夜摩天王兜率陀天
王化樂天王他化自在天王娑婆世界主大梵天王
光音天王徧淨天王廣果天王淨居天王各以無量
百千那由他天衆之所圍繞於彼天没住於佛前頭
面禮足在虛空中恭敬如來及比丘衆亦復如是爾
時毗摩質多阿修羅王與六十那由他眷屬前後圍
繞猶如壯士屈伸臂頃於自宮没住於佛前頭面禮
足現恭敬相却住一面金翅鳥王亦與八萬六千迦
樓羅衆眷屬圍繞於自宮没住於佛前頭面禮足及
諸外道其有八億從諸方來而說偈言

於淨虛空中 十五夜滿月 超過諸星衆

光明獨顯耀 佛如淨月輪 滅闇除三垢

能超諸外道 猶如空中月 秋日千光明

能除諸闇冥 超出明月光 開布蓮華池

佛光過於日 普照大千界 如來能開現

聲聞蓮華林 天主僑尸迦 住在善法堂

出過諸天眾 金剛杵光耀 十力功德山

兩足尊勝王 超過諸外道 猶如釋天王

須夜摩天王 天眾所供養 住在天眾中

光赫坐寶座 十力無邊威 超過惡道趣

無畏光明德 顯說八正道 如兜率天王

在宮眾圍繞 超過諸天眾 宿善而見耀

調御人天師 八部所供養 超過諸世間

無畏顯說法 如化樂天王 在於天宮中

超過諸天眾 功德獨光顯 佛超諸世間

離濁出三界 能調未調王 具十力光照

如自在天王 住居天宮中 超過諸天眾

宿善而見耀 如是佛光明 具足十力行

超過天人眾 本善功德故 如大梵天王

超過諸梵眾 光耀說甜美 顯於八正路

如來勝梵天 沙門眾中王 光明照三界

轉於四諦法 知見衆集已 天人龍聽法

人中最勝王 吐宣八正語 虛空可度量

海可瓶量盡 須彌山可稱 佛德難可知

爾時淨飯王白釋種言諸仁者如日欲出先現瑞相
所謂明星出時當知日出不久迦盧陁夷亦復如是
於佛如來一切種智先見瑞相比丘所說如來功德
卽是一切智相諸仁者速辦好乘我當往詣至如來
所時釋種臣言善哉大王今正是時所須之具今悉
已辦爾時大王勅諸臣言從迦毗羅城乃至尼俱陀
林於其中間精治道路以好軟沙徧布其地散種種

華懸諸繒綵作倡妓樂種種歌舞爾時大王乘好車
乘出迦毗羅城詣尼俱園於彼乘後有八萬白象以
種種寶間錯莊嚴於其象上各立七寶殿堂甚竒微
妙於其象後各嚴八萬寶馬於其馬上各有金幢其
馬及幢各以七寶莊嚴微妙第一是時城中有無量
人嚴飾車乘諸所服飾青馬青車青蓋嚴飾執持青
刀衣服皆青鞍韉鞞悉亦青色各持青幢一一車
後百青衣人之所圍繞復有釋種等各各嚴飾種種
好車青黃白赤襍色莊嚴襍色車馬襍色嚴飾一一
車馬皆有百人襍色莊嚴亦復如是爾時世尊遙見

王來告諸比丘汝若欲見三十三天遊戲衆者當觀
釋種出迦毗羅城何以故釋種種遊行與天無異故爾
時世尊而說偈言

其迦毗羅妙城中

淨飯大王及眷屬

最勝人王今方至

諦聽諦聽我當說

象馬車乘過百千

種種莊嚴甚殊妙

從迦毗羅而引出

人王寶藏及諸乘

青馬青車青莊嚴

將從衣服悉青色

靴帽刀拂咸亦青

青鞭青轡青鈴網

青衣人持青幢蓋

人馬皆青甚殊妙

黃馬黃車黃莊飾

將從衣服悉黃色

靴帽刀拂皆亦黃

黃鞭黃轡黃鈴網

黃衣人持黃幢蓋

人馬皆黃甚殊妙

赤馬赤車赤莊嚴

將從衣服悉赤色

靴帽刀拂皆亦赤

赤鞭赤轡赤鈴網

赤衣人持赤幢蓋

人馬皆赤甚殊妙

白馬白車白莊嚴

將從衣服悉白色

靴帽刀拂皆亦白

白鞭白轡白鈴網

白衣人持白幢蓋

人馬皆白甚微妙

襍色車馬襍莊嚴

將從衣服悉襍色

靴帽刀拂皆亦襍

襍色鞭轡襍鈴綱

襍色衣人持幢蓋

人馬皆襍甚微妙

彼諸車後莊嚴象

其數足滿八十千

金鞍金鞵金莊飾

象背皆有七寶殿

種種莊嚴妙龍馬

其數亦滿八十千

七寶莊嚴甚奇麗

衆妙服飾從車後

以諸妙華散御路

用五種香熏其地

懸諸瓶香并繒綵

壯士戲人歌舞輩

種種莊嚴徧其路

作諸音樂從王後

爾時淨飯王及諸侍從至尼俱樹園下車而入步衆

導從前後圍繞爾時世尊知父王心深生怨恨爲度
王故過於人上在虛空中自在遊行如來行時娑婆
世界主大梵天王在如來右釋提桓因在如來左須
夜摩天王兜率陀天王化樂天王他化自在天王各
各執持種種天蓋供養如來爾時毗沙門王提頭賴
吒天王在佛東面偏袒右肩右膝著地合掌向佛現
恭敬相毗樓勒義王毗樓博義王在佛西面亦偏袒
右肩右膝著地合掌向佛現恭敬相爾時四天王天
三十三天夜摩天兜率陀天化樂天他化自在諸天
子等在虛空中雨天優鉢羅華梅檀末香曼陀羅華

作天妓樂及以歌舞復於虛空中雨諸香水從昔以
來未曾見聞優鉢羅華梅檀香末供養如來爾時世
尊亦現神通以通力故人見天差別之相時淨飯
王見諸天子供養如來生希有心復見嚴飾七寶重
閣滿虛空中見已作是說言如來本昔作童子時不
以四天下轉輪聖王生於顧戀何以故今在三千大
千世界中爲大法王統領天人富貴自在今此世尊
爲正法王我今於此爲人圍繞世尊乃有天人待衛
爾時淨飯王偏袒右肩右膝著地頭面禮足合掌向
佛而作是言世尊初生之時無人扶持而行七步觀
察十方而作是言我於世間最尊最勝當得度脫老
病死邊我於爾時頭面禮世尊足復於後時至於田
村閻浮樹下坐於清涼日雖西移影初不動復有六
天童子合掌作禮在如來前我於爾時頭面作禮大
牟尼足我今第三復亦頭面禮世尊足爾時淨飯王
而說偈言

兩足世尊初生時

無人扶持行七步

自說我於世最勝

爾時我禮明智者

牟尼踰城至田村

閻浮樹影蔭不移

六天童子修供養

我時復禮世應供

今是第三稽首禮

恭敬憐愍世間尊

堪受人天微妙供

世無如佛何有勝

世尊本號悉達多

字爲父母所喜樂

始知如來名稱實

得願滿足獲甘露

爾時欲界諸天與世尊敷師子座以天妙衣敷在座上及尼俱園復以天劫波樹衣彌覆虛空爾時世尊從空而下在師子座跏趺而坐時淨飯王及諸眷屬頭面禮足退坐一面欲色二界諸天子等亦頭面禮足於虛空中退坐一面爾時世尊而說偈言

淨飯大王及眷屬

來詣世尊設供養

從迦毗羅妙城出

趣尼俱陀可樂園

佛與無量衆圍繞

阿修羅王及龍王

鳩槃荼王金翅王

乾闥婆王并眷屬

夜叉大王鬼神衆

緊那羅王悉皆集

欲界天王并天子

一切皆生欣喜心

六欲諸天旣如是

梵輔梵身梵天衆

徧勝諸天并眷屬

乃至廣果淨居天

沙門大衆婆羅門

僧佉衛世尼乾子

及餘一切諸外道

修行種種異術士

斯等諸方皆來集

如來示現自神力

令淨飯王及釋種
獲得信心欣喜成
如來普爲一切衆
以微妙語善義句
世尊意在淨飯王
現化種種勝神力
王本不許佛出家
相師本昔相童子
在家必作轉輪王
無量億衆所供養
滿足聖王七種寶
亦復具有四神通
如法正治護國土
王四天下刹利王
爾時菩薩發是言
我昔無量那由劫
於一切時常實語
大王諦聽我今說
大王昔來於我所
實自初無信敬心

欲以輪王令我作
以四天下生戀惜
譬如本昔有神龜
隨海水潮在陸地
其海潮水迴還去
龜便墜墮深井中
井中舊鼈問海龜
汝本何處今至此
廣智海龜答井鼈
我遇海潮墜此井
其海潮水還源時
我行遲遲遂不及
以斯我今失時節
墮此小井共汝住
井鼈復問海龜言
其海多少井中水
豈復寬廣於此耶
爲大爲小願速說
廣智海龜答井鼈
無智住人穿鑿處

我於大海水中居 在彼經歷多年載
猶尚不知海處中 況復了達其彼岸
如是大王都不知 我之神通威德力
欲以輪王四天下 世間豪貴戀惜我
我今現作法輪王 統領三千大千界
如法正治離刀杖 得於八部最勝供
我今稱頌昔日言 故來應現此大眾
以神通力修其心 用慈悲念召集衆
一切諸有皆雲會 莫不爲王得淨信

阿修羅王授記品第三

爾時世尊現其瑞相以是相故時毗摩質多阿修羅
王作是念言我今最初供養世尊時毗摩質多阿修
羅王與其徒衆六十那由他婦女眷屬亦六十那由
他以其海中無價寶珠及餘海中所有悉採供養爾
時阿修羅王化作六十那由他七寶車一一寶車復
化六十那由他調順之馬一一調馬復化七寶鈴網
莊飾馬上復化真金鈴釧以飾馬脚一一馬亦復化
作七寶纏髻駿尾一一調馬復以真金鞞轡彼諸調
馬皆以七寶爲角彼諸調馬車上七寶莊嚴軒蓋皆
用七寶在虛空中隨車行住一一軒蓋皆懸七寶流

蘇鈴帶一一軒蓋皆化寶網彌覆其上彼諸車馬軒蓋鈴網爲風所吹出微妙音奪人視聽猶如善擊百妓音樂出種種聲令人喜樂奪人心意一一寶車在虛空中去地六十由旬一一車後作諸音樂一一車上皆有阿修羅女種種嚴飾在其車上是諸女等或有立舞或有坐舞或有唱歌或身動轉或散梅檀末香或散優鉢羅末或雨沉水末或雨多摩羅跋香或雨天諸末香或散阿修羅香末或雨金末或雨曼陀羅華摩訶曼陀羅華曼殊沙華摩訶曼殊沙華波盧沙迦華摩訶波盧沙迦華迦迦羅婆華摩訶迦迦羅婆華波吒梨華摩訶波吒梨華質多羅波吒梨華摩訶質多羅波吒梨華悉皆化作用供養佛或散金華銀華毗瑠璃華玻璃華赤真珠華碼碯華碑磔華或持七寶以散世尊有散衣服或以手環臂脚印釧寶冠寶鬘莊嚴之具金鎖銀鎖真珠繩貫或長或短或有七寶頂巾及諸纓珞金銀耳瑠或以七寶盛髮之袋以散於佛或以頂鬘在臂鈴釧動搖發聲或以七寶填髮以金莊嚴或以金填七寶莊嚴有執金網有捉金流蘇有持摩尼流蘇有持真珠流蘇或持金蓋銀蓋或持毗瑠璃蓋有持七寶蓋者或持種種寶幢

或持種種色旛或雨香水者皆爲供養佛故或有合掌說偈讚歎曰

歸命丈夫調御師 歸命丈夫最勝士

歸命丈夫兩足尊 歸命丈夫無等倫

歸命明照世間者 歸命最上大智海

歸命具足功德林 歸命最勝微妙山

歸命具足功德聚 歸命滅除諸煩惱

歸命修諸淨行師 歸命淨行無斷絕

歸命無依不怯弱 歸命無懈無掉動

歸命決定發精進 歸命決定滿足者

爾時阿修羅王亦復化作六十那由他七寶帳幕甚
奇微妙襍色莊嚴一一帳幕浮遊之下亦復化作六
十那由他七寶大地彼諸地上亦復化作六十那由
他樓櫓却敵七寶合成微妙第一一一却敵亦復化
作六十那由他重閣殿堂七寶莊嚴一堂殿復有
六十那由他門戶牕牖七寶莊飾一一門戶金門銀
扇襍寶雕飾其諸門閭一一皆用毗瑠璃寶一一門
樞皆用碑磔復以碑磔爲柱一一柱上以赤真珠以
爲樞拱碼礪爲地其銀門者悉用金扇毗瑠璃爲閭
碑磔雕鏤碼礪爲樞赤珠爲柱白王爲拱玻璃爲地

毗瑠璃門戶玻瓈爲扇金爲門閫銀爲戶樞白王爲
柱碼碯爲栱赤真珠地玻瓈門戶毗瑠璃爲扇碼碯
爲閫赤珠爲樞以金爲柱銀爲栱栱白王爲地碼碯
門戶白王莊飾赤真珠寶以爲閫扇銀爲戶樞瑠璃
爲柱金爲栱栱玻瓈爲地赤真珠戶碼碯莊飾白王
閫扇銀爲戶樞毗瑠璃柱玻瓈栱栱黃金爲地白王
門戶碼碯莊飾金爲閫扇毗瑠璃樞白銀爲柱玻瓈
爲地赤真珠寶以爲栱栱彼諸門戶一一戶中化作
六十那由他師子之座七寶合成以諸天人阿修羅
衣彌覆其上或敷迦梅陵伽衣或敷憍奢耶衣其座
兩頭置朱色枕彼諸座前有七寶几一一几上有施
六億阿修羅王種種衣服所謂諸天樹衣芻摩羅衣
憍奢耶衣迦尸迦衣一一師子座上各各皆有二脩
羅女衆寶莊嚴一一女人皆侍七寶多羅樹葉以爲
其扇一一座中皆有化修羅子在於座上兩女俠侍
持七寶扇彼諸門戶亦復化作六十那由他七寶幢
蓋於金門戶化作青幢黃柄玻瓈間錯於銀門戶化
作黃幢赤真珠柄白銀間錯於毗瑠璃門化作赤真
珠幢黃金爲柄玻瓈交錯玻瓈門戶化作襍色寶幢
黃金爲柄白銀交錯青幢黃頭黃幢青頭赤幢白頭

白幢赤頭襍色幢者七寶爲頭彼諸寶幕及諸殿堂
於虛空中繞佛三帀猶如三十三天伊羅婆那龍象
在空中遊行俱持毗陀羅婆樹梨耶多羅樹供養諸天
彼諸帳幕於虛空中右繞三帀亦復如是彼諸寶幕
却敵之中及以地上重閣殿堂有諸門戶師子之座
莊嚴寶蓋寶幢旛華雨天栴檀末香天優波羅末香
沉水末香復雨曼陀羅華摩訶曼陀羅華曼殊沙華
摩訶曼殊沙華迦迦羅婆華摩訶迦迦羅婆華波吒
梨華摩訶波吒梨華質多羅波吒梨華摩訶質多羅
波吒梨華金華銀華毗瑠璃華玻璃華一切衆寶華
雨金雨銀雨天樹衣彼諸修羅王子手中悉持如是
寶珠以珠力故隨意所須皆能降雨爾時迦毗羅城
四門之外各各縱廣六十由旬以阿修羅王威神之
力放光徧照六十由旬上照六萬由旬周圍徧滿供
養之具彼諸浮遊帳幕繞佛而住時迦毗羅城中積
曼陀羅華舉高七丈天上香水成泥以佛神力令其
香氣徧滿三千大千世界於此三千大千世界中
有住大乘者彼諸衆生聞其香氣乃至初發阿耨多
羅三藐三菩提心得不退轉況復久修時毗摩質多
阿修羅王乘七寶車繞佛三帀以妙天栴檀末以散

佛上而說讚曰

我今歸依婆伽婆

能施天人無畏者

歸依最勝不可動

希望無上妙菩提

我今歸依婆伽婆

心喜不墮三惡趣

是故我今歸依佛

希求無譬妙菩提

我今歸依婆伽婆

能除生死大苦海

能斷曠野離惱淨

堪能引導衆生師

我今歸依婆伽婆

以此歸依不求生

老死所逼大苦惱

世尊爲諸天人歸

爾時毗摩質多阿修羅王以偈歎佛右繞三匝時彼

諸馬纓珞莊嚴彼諸車莊嚴彼諸阿修羅阿修羅女
莊嚴彼諸幡幢寶蓋鈴網等爲風所吹出微妙聲稱
心奪聽譬如具足百妓音樂善巧奏擊出微妙音稱
意音聲甚可聽採奪人耳目如是諸馬莊嚴纓珞乃
至鈴網爲風所吹出微妙音如巧奏擊百種音聲甚
可愛樂爾時毗摩阿修羅王繞佛三匝雨天花檀末
香優鉢羅末沉水末香多摩羅末香種種阿修羅香
末從空而下雨天曼陀羅華摩訶曼陀羅華曼殊沙
華摩訶曼殊沙華波盧沙迦華摩訶波盧沙迦華迦
迦羅婆華摩訶迦迦羅婆華波吒梨華摩訶波吒梨

華質多羅波吒梨華摩訶質多羅波吒梨華復有種
種化華雨金華銀華毗瑠璃華乃至七寶衆華從空
而下雨天香水阿修羅香水從空而下以香水故迦
毗羅城內外縱廣六十由旬悉成香泥以其泥香徧
滿三千大千世界所有菩薩聞其香者於阿耨多羅
三藐三菩提得不退轉爾時毗摩質多阿修羅王繞
佛三匝以佛神力於虛空中作天妓樂及阿修羅音
聲彼諸音樂以佛神力其音徧滿三千大千世界皆
悉聞知所有住大乘者聞其聲已悉於阿耨多羅三
藐三菩提得不退轉無量百千阿修羅女或歌或舞
或奏音樂或身動轉又散天梅檀末優鉢羅末沉水
末多摩羅跋香曼陀羅華摩訶曼陀羅華曼殊沙華
摩訶曼殊沙華波盧沙華摩訶波盧沙華迦迦羅婆
華摩訶迦迦羅婆華波吒梨華摩訶波吒梨華質多
羅樹華摩訶質多羅樹華金華銀華毗瑠璃華衆寶
襍華又雨化華以散佛上又散諸天衣服臂脚鈴釧
以散佛上腰纓珞手臂纓珞指環頂巾七寶之鬘金
鎖銀鎖眞珠之貫摩尼纓珞半月珠纓於兩肩上七
寶衣纓種種寶纓兩耳瑠璃盛髮寶袋莊嚴頂冠種
種流蘇種種香流蘇種種眞珠流蘇種種摩尼流蘇

或雨天種種寶蓋金末香水又阿脩羅女手把赤眞珠以散佛上又捉寶散者又捉種種珠散者皆爲供養佛故毗摩質多阿修羅王與其眷屬皆悉相順而說偈言

我常如是心 值遇佛世尊 歸依如來故
未來常供養

爾時波羅陀阿修羅王所設供養亦如毗摩質多阿修羅王等無有異乘七寶車右繞三匝以偈讚佛

我禮得實十力士 亦禮離怖無畏者
決定得於不共法 歸命導引諸世間

我禮斷除結縛者 亦禮出離生死道

我禮到岸住陸地 將導貧乏衆生師

我禮深智不思議 與衆和合不掉動

於諸趣中心解脫 猶如蓮華不著水

牟尼本修諸空法 離諸簡擇得無相

於一切處無所願 我禮如空無所依

爾時善臂阿修羅王所設供養廣大無量如毗摩阿修羅王等無有異乘衆寶輦右繞三匝散其金粟以偈讚曰

大牟尼尊無等倫 天上天下亦無比

佛知衆生如陽焰 非真實有唯想轉
於此無作無受者 亦無士夫空無我
離諸所作無體性 說於一切寂定法
於善逝法得信解 觀一切法悉平等
彼當得作導師子 順佛言教如父說
我今讚歎所得福 唯佛智解能照知
我以福德悉無餘 迴施衆生皆作佛
爾時復有跋墀毗盧遮那阿修羅王所設供養亦如
毗摩質多阿修羅王等無有異乘七寶車繞佛三帀
散以銀華說偈歎曰

我今禮佛妙好相 度生死海到彼岸
自身得度復度他 安置彼岸無畏處
唯佛大慧知羣生 倒見叢林無智者
迷惑焰水計爲實 無等悲心皆已知
世尊妙人見衆生 如幻陽焰如光影
牟尼如法生善子 三有中行不染行
大自在人知非實 知諸法性彼此空
愚癡如夢受欲樂 佛子知已修諸行
爾時羅睺阿修羅王所設供養亦如毗摩質多阿
修羅所設供養乘七寶車繞佛三帀以質多羅波吒

經
三
黎華以散佛上說偈讚曰

大仙如來神妙身

超過一切諸天人

既如須彌比芥子

復似大海譬牛跡

如來顏容甚端正

衆相莊嚴第一最

超過一切色中上

如日出現螢息照

世尊無量威德聚

超過一切威德者

令諸威德不能現

如日出時螢光隱

大聖世尊智慧海

超過徧覆三有界

蔽諸外道令不現

如日盛明月光沒

爾時跋婆利阿脩羅王所設供養亦如毗摩質多阿

脩羅王修供養已乘七寶車繞佛三匝用摩訶波吒

黎華以散於佛說偈讚曰

樂奢摩他智慧者

能除三毒貪瞋癡

引導衆生出世間

猶如甘雨滅塵焰

世尊熾然正法眼

亦如酥投大盛火

能斷煩惱疑網盡

亦如火燒大曠野

顏容端正甚微妙

衆相莊嚴最第一

超過一切諸妙色

如日出時螢光隱

如來秉持諸善根

無量億萬那由他

能除煩惱及惡業

如食甘露去身毒

吹除一切無明冥 如夜明炬照黑闇

如來示現正法眼 猶如珠師顯寶價

爾時樂戰阿修羅王所設供養亦如毗摩質多阿修

羅王設供養已乘七寶車繞佛三匝散眾寶華以偈

讚曰

難調惡心佛能調 如勇健士降勝敵

善得柔輦心自在 我禮心調無畏者

能調諸根離怨對 離畏無畏得安隱

世尊煩惱不更發 消伏毒害悉無餘

那羅延力善修慈 於愛憎中心平等

如來知諸眾生想 不為六道之所攝

難諸想心竭有愛 放智慧光破諸闇

於諸法中心不著 牟尼超過無等倫

爾時善目阿修羅王所設供養亦如毗摩質多阿修

羅王修供養已乘七寶車繞佛三匝奉眾寶藏以獻

於佛說偈歎曰

大雄久已知 諸法真實相 所謂法名者

各各和合假 一切諸法體 種種求不得

所言此法者 說唯是假名 離名名體性

諸相亦如是 無相亦無名 已離三種法

所言解脫者 實無可顯說 說者說亦無

解者亦復然 如是知於法 無上牟尼子

於諸法不著 修行大名稱

爾時伏三界阿修羅王所設供養亦如毗摩質多阿
修羅王修供養已乘七寶車繞佛三匝用真珠纓珞
以奉如來說偈歎曰

我今歎佛離怨敵 顏容端正戒智力

一切世間無如佛 以無比身伏讐對

色力光明照三有 修諸善業得端正

以布施力得其相 八十種好悉嚴淨

淨持戒力無能動 明人思量所不得

佛持戒心清淨故 人中師子所作成

如來智力更無比 以無怖畏勝三界

如師子王衆中吼 超過一切諸外道

爾時毗盧遮那阿修羅王所設供養亦如毗摩質多
阿修羅王設供養已乘七寶車繞佛三匝手執衆寶
以散如來復以偈頌而讚歎曰

諸衆皆集牟尼所 淨心瞻仰如來面

一切現前覩世尊 斯則如來不共相

佛以一音演說法 種種隨心各皆解

世尊說應衆生機

斯則如來不共相

佛以一音演說法

衆生隨類各得解

稱意所欲知其義

斯則如來不共相

佛以一音演說法

或有修進或調伏

或有獲得無學果

斯則如來不共相

爾時目真鄰陀阿修羅王所設供養亦如毗摩質多
阿修羅王修供養已乘七寶車繞佛三匝手執赤眞
珠以散佛上說偈讚曰

欣喜淨心敬信佛

離於傲慢無邪見

順佛阿含不放逸

是爲修行無比子

諸法自性不可得

如夢行欲悉皆虛

但隨想起非實有

世尊知法亦如是

如秋時雲水中月

迷惑無智愚衆生

不能惑著明智人

深樂佛法精進者

妙人最妙不錯悞

於佛法中不放逸

分別諸法悉如夢

得見如實妙三昧

爾時毗摩質多阿修羅王等有六十那由他阿修羅
設供養已皆各合掌作禮而住欣欣踊躍情意充滿
喜樂稱心菩提之心流注不絕爾時世尊知彼諸阿
修羅信心供養已如諸佛法示現微笑相從其面門

放無量色光青黃赤白紅紫玻瓈亦如金銀及以襍
色從口出已繞佛三匝還從頂入爾時慧命馬勝比
丘從座而起徧袒右肩右膝著地合掌向佛爲佛作
禮以偈問曰

雄猛牟尼現瑞相

愍世間者非無因

人中最勝願爲說

大仙所現之因緣

憐愍世間現瑞應

見諸修羅勝供養

欲授修羅決定記

令我等輩得欣欣

朝有勝心無有疑

此衆中有發心者

世尊知其信根已

人中師子現此瑞

朝日誰發清淨心

誰於人中生勝信

世尊知其信根已

現此最妙之瑞相

今此大衆皆有疑

皆見如來現微笑

誰復朝日降魔怨

現此瑞相爲此人

善哉降怨大仙尊

願斷大衆心猶豫

願尊速說勿踟躕

斷此大衆之疑網

爾時世尊以偈答馬勝比丘曰

善哉比丘所問義

我所現瑞利世間

我說果報無有餘

汝今一心善諦聽

諸阿修羅供養佛

爲求無上勝菩提

修羅心意無所依
此等供養世尊已
大智皆捨修羅道
此等於其未來世
於善名劫得成佛
數滿六十那由他
演說無依無著法
彼諸佛土甚嚴淨
淨佛國土三千界
彼國無諸三惡趣

如手在空不障礙
阿修羅衆心清淨
於入天中久受樂
值遇恒沙人師子
如來皆號爲善名
名振十方照世間
廣能度脫天人衆
佛知世間離五濁
滿足六十那由他
以欣喜心土田淨

彼佛雄猛除諸難
彼等諸佛得壽命
演說無所依止法
彼諸如來滅度後
滿足六十那由劫
是諸如來各各度
彼諸如來等無量
彼諸善逝能成熟
皆令安住大乘中
今此授記爲修羅

演說無上大乘法
住世六十那由劫
一一導師皆亦然
世間智者盡皆滅
彼佛正法住在世
如恒河沙衆生聚
土壽法住亦如是
六十那由衆生數
各各紹繼三寶種
利世間者大仙說

天人聞斯授記已

身心踊躍得淨信

大寶積經卷第六十二

校訛

第十九紙

九行他宋南藏詳別

嘉興東禪寺義舍施覽刻此
大寶積經第六十二卷 豫章沙彌德定對
儀真趙之昂書 建陽余用澍刻
萬曆乙未孟秋徑山興聖萬壽禪寺識

大寶積經卷第六十三

高齊北天竺三藏那連提耶舍譯

菩薩見寶會第十六之三

本事品第四

爾時慧命摩訶迦葉見諸阿修羅王供養佛已生希
有心作是思惟世尊本修菩薩行時作何善根得是
果報時迦葉卽入如寶三昧以其三昧巖心力故憶
念過去阿僧祇阿僧祇劫如來所修一切功德於彼
彼道彼彼生中所修善根皆爲滿足無上菩提以此
善根得住不退轉地彼諸善根皆得念知爾時迦葉

憶念如來大善根時作如是心如佛所習善根廣大
如來一一發心善根如十方世界恒沙刹土其中衆
生皆得人身得人身已衆生如恒沙劫供養善逝亦
如修羅一一衆生如恒沙劫供養如來已不能報如
來一發心善根爾時慧命摩訶迦葉從三昧起以偈
讚曰

一一如來牟尼尊
發心廣大向菩提
此修羅等所供養
佛迦羅分不及一
世尊應供人中上
如須彌山栴檀聚
人天中勝所供養
由度功德彼岸故

人中師子應受供
過諸恒河沙數等
譬如大海滿中水
香水和合而供養
具足功德應受供
多於恒河沙數等
積滿華聚而供養
猶如斫迦婆羅山
自然大士應受供
如須彌山燈明炷
大海以爲香油器
以燈供養諸勝者
應受供養大威勢
多於恒河沙數等
造立塔廟而供養
由度功德彼岸故
人中堅固應受供
以諸廣大勝寶蓋
其蓋徧覆三千界
經於那由他劫數

憐愍世間人中尊

無邊功德應受供

以諸寶幢所供養

徧滿十方諸世界

於不思議億劫數

以廣大旛而供養

滿恒河沙諸世界

經於無量億劫數

供養如來人師子

起於分別作譬喻

大論師中師子子

諦聽諦聽諸天人

我及諸來在此衆

若如恒河沙數等

諸有十方世界衆

一切皆當得作佛

具足十力人師子

彼佛頭數如恒沙

一一皆有恒沙頭

於一一頭如恒沙

各各皆有恒沙口

彼於一一無量口

有於無量沙數舌

以舌讚歎於如來

彼諸如來說不盡

功德彼岸不可到

一切智智不可量

由度功德彼岸故

爾時世尊告諸比丘言善哉善哉諸比丘我諸聲聞
端直而住有智有法亦如梵天乃能入我功德海中
何以故如來具足無量功德具足不思議功德諸比
丘如來功德聚不可思議諸比丘如來功德聚若是
色者一一發心所得功德如恒河沙等世界中所不
容受何以故諸比丘如來一一發心功德一切智所

攀緣處如恒沙等諸佛如恒沙等劫不能思量說不可盡何以故如來本修菩薩行時無一發心不爲利益一切衆生衆生所攝者無一發心不爲一切衆生衆生界無邊際其中衆生亦無邊際所有衆生界無邊際如來一一發心功德亦無邊際何以故如衆生界無邊際如衆生界不可量如來一一發心功德聚不可窮盡皆爲憐愍利益安樂一切衆生故是故發心假使一切衆生供養時不能報如來一發心功德何以故彼諸衆生供養如來皆爲惓望禱食世報故菩薩本發心離於禱食求世報心爲利益安樂衆生故欲令衆生背於生死趣向涅槃如來本修菩薩行時爲利益安樂衆生離於禱食不求世報佛告諸比丘於過去世無量無邊流轉生死阿僧祇不可思議無始世界不可說劫中有佛號曰因陀幢王出現於世如來應供正徧知明行足善逝世間解無上士調御丈夫天人師佛婆伽婆彼佛如來以一一發心如恒沙等世界中曾爲衆生作利益安樂思量發心比丘彼因陀幢如來作佛時恒河沙世界同一佛刹其因陀幢如來應供正徧知國土嚴淨離於惡趣及以八難是因陀幢如來應供正徧知其國土中所有衆

生住正定聚其邪定衆生增上慢衆生一向皆無不
淨身業不淨口業不淨意業一切皆無亦無惡趣煩
惱作惡趣業何以故因陀幢如來教是衆生令其發
心止一切惡以其善法授令修學是因陀幢如來國
土中曾得五種樂所謂一得欲樂二得出家樂三得
禪樂四得三摩跋提樂五得無上菩提樂彼諸衆生
雖受其樂而不貪著譬如蜜蜂但取其味不取華色
彼諸衆生亦復如是雖受其樂而不取著譬如飛鳥
空中而行不著其空如是衆生雖受其樂而不取著
亦復如是是因陀幢如來應供正徧知其佛土中所
有衆生無有憂苦唯有喜樂亦無不苦不樂受愚癡
無故唯有稱心之樂何以故彼諸衆生本修善故由
彼因陀幢如來本修菩薩行時現諸相好令彼衆生
不作一切惡安置衆生修習善法彼等次第離諸惡
道安於善處彼等於一切種不善業一向悉無其所
作業得果報時心不欣樂生苦受者無有是處不作
惡業不受苦果故愚癡無故不苦不樂受亦無彼因
陀幢如來佛土中一切時恒無惡風暴雨亦無毒熱
彼諸衆生時節變易苦一切皆無彼因陀幢如來本
修菩薩行時彼佛土中其諸衆生一切身業智上首

智順轉演說開示正顯如是一切口業智上首智順
轉演說開示正顯如是一切意業智上首智順轉演
說開示正顯如是彼諸衆生從彼菩薩聞已彼諸衆
生一切身業一切口業一切意業智上首智順轉迴
向以善業故愚癡報不生以其愚癡故受不苦不樂
受彼諸衆生於彼佛土中苦受不苦不樂受一向皆
無以離愚癡故彼諸衆生彼國土時其因隨幢如
來教化已於法敬重若遊行時思量於法愛欲於法
染著於法彼等心生愛欲染著於法遊行時無有苦
受行住坐臥睡寤乃至無有威儀之苦彼諸衆生在
國土中無惡可順以無惡故無苦可生於善無著以
是因緣彼諸衆生善順無故變易苦無於諸法中不
生貪著是故壞苦不生亦無怨憎會苦何以故由彼
衆生於一切衆生中得住平等心現前是故無有怨
憎會苦亦無愛別離苦何以故由彼衆生於一切法
不著故其愛別離苦從愛而生是故無有愛別離苦
苦苦亦無何以故於樂受不生著故唯有行苦所謂
無常苦何以故彼佛唯說第一義故彼佛住世經恒
沙劫於彼佛刹無一衆生與佛競論者來生其國何
以故由彼如來本行菩薩時成熟衆生故佛告諸比

丘於意云何能以下善根少善根不善習善根不善
相應善根非大精進善根非善趣善根非善發善根
非善迴向善根可能利益如是等衆生能與樂除苦
耶可能淨如是廣大國土成熟如是多衆生耶諸比
丘言不也世尊佛復告諸比丘言於意云何可以下
心怯弱不善根相應心非精進心非善習善根心非
善趣心非善發善根心非善迴向心可能利益如是
等衆生思惟與樂能除苦耶可能嚴淨如是廣大佛
刹成熟如是多衆生耶諸比丘言不也世尊佛復告
諸比丘言於意云何可以下信少信羸信怯弱信不
善相應信非精進信非善集善根信非善趣信非善
發善根信非善迴向信能利益如是等衆生除苦與
樂耶能嚴淨如是廣大佛刹成熟如是多衆生耶諸
比丘言不也世尊佛復告諸比丘於意云何可以下
戒少戒羸戒非精進戒非善集善根戒非善趣戒非
善發善根戒非善迴向戒能利益如是等衆生除苦
與樂耶能嚴淨如是廣大佛刹成熟如是多衆生耶
諸比丘言不也世尊佛復告諸比丘言於意云何頗
以下精進少精進羸精進怯弱精進非相應精進非
精進精進非善集善根精進非善趣精進非善發善

根精進非善迴向精進能利益如是等衆生除苦與樂耶及能嚴淨如是廣大佛刹成熟如是多衆生耶諸比丘言不也婆伽婆佛復告諸比丘於汝意云何頗以下念少念羸念怯弱念非相應善根念非精進念非善集善根念非善趣念非善發善根念非善迴向念能利益衆生及思惟與樂耶及能嚴淨如是廣大佛刹成熟多衆生耶諸比丘言不也世尊佛復告諸比丘言於汝意云何頗以下定少定羸定怯弱定非相應善根定非精進定非善集善根定非善趣定非善發善根定非善迴向定能利益衆生思惟與樂耶能嚴淨如是廣大佛刹及能成熟如是多衆生耶諸比丘言不也世尊佛復告諸比丘於汝意云何頗以下慧少慧羸慧怯弱慧非相應善根慧非精進慧非善集善根慧非善趣慧非善發善根慧非善迴向慧能利益衆生思惟與樂耶能嚴淨如是廣大佛刹及能成熟如是多衆生耶諸比丘言諸比丘實如是不以少善根少戒少信少精進少念少定少慧能利益衆生及思惟與樂離苦耶能嚴淨廣大佛刹成熟如是多衆生耶佛告諸比丘於意云何彼時因陀幢如來汝知誰也如來聞

已諸比丘默然不答當於爾時東方過如恒沙等諸
佛世界有世界名曰月光莊嚴彼土有佛號高威德
王如來應供正徧知今現住世文殊師利在彼衆中
卽知釋迦牟尼心念已卽白高威德王佛言今釋迦
如來在娑婆世界說法世尊我今往彼見釋迦如來
禮拜聽法供養恭敬作是請已時高威德王如來告
文殊師利任意而去今正是時爾時文殊師利童子
從座而起徧袒右肩右膝著地頭面禮高威德王如
來右繞三匝譬如壯士屈伸臂頃時文殊師利在彼
月光莊嚴世界中沒釋迦牟尼佛前出頭面接足敬

禮如來却坐一面白佛言世尊昔時因陀幢如來者
今卽世尊是也何以故由是世尊具足不可思議諸
善方便能成熟衆生淨佛國土恒不疲倦亦無厭足
故世尊安置衆生住菩薩乘亦無厭足若有實語人
作正語者勝中之勝勝中之妙勝中上首最勝中最
勝言佛如是者當知釋迦牟尼佛真實無異時文殊
師利而說偈言

雄猛巧方便

憐愍諸世間

現大威神力

成熟衆生故

已於過去世

曾作八億佛

猶自有神力

無心取正覺

六十一三千

清淨佛國土 淺識不知佛 牟尼巧方便
不捨初發心 彼彼處處現 更於未來世
示現無量佛

迦樓羅王授記品第五

爾時復有八億六千萬金翅鳥王見諸阿修羅供養
世尊及得授記已於如來所生無等敬信踊躍欣喜
爲供養故化作八億六千萬殿堂純以諸天七寶莊
飾甚竒微妙一一殿堂七重构欄四寶所成微妙第
一所謂金銀瑠璃玻瓈金构欄者金爲尋梁及作衆
柱銀爲曲榰銀构欄者銀爲尋梁及作衆柱金爲出

榰毗瑠璃构欄以毗瑠璃而爲梁柱玻瓈爲榰玻瓈
构欄玻瓈梁柱毗瑠璃榰彼諸殿堂周匝四面垂七
寶鈴所謂金銀瑠璃玻瓈真珠碑磔碼磔其寶精竒
微妙第一是諸殿堂復以七寶羅網覆上所謂金網
銀網毗瑠璃網玻瓈寶網赤真珠網碑磔之網碼磔
網等微妙第一復更化作八億六千萬七寶之蓋微
妙竒特所謂金銀乃至碼磔復更化作八億六千萬
七寶妙幢所謂金銀乃至碼磔青幢黃頭黃幢青頭
赤幢白頭白幢赤頭襍色之幢純色爲頭純色之幢
襍色爲頭復更化作八億六千萬七寶妙幡有種種

色巖淨第一復更化作八億六千萬七寶之帳所謂
金銀乃至碼瑙寶線織成微妙第一爾時諸金翅鳥
王持是八億六千萬七寶殿堂八億六千萬七寶之
蓋八億六千萬七寶之幢八億六千萬七寶之旛八
億六千萬七寶之帳悉以奉獻如來世尊既奉獻已
彼諸鳥王及供養具於虛空中繞佛三匝譬如嚶羅
婆那象王於三十三天頂戴諸天乘空而遊詣波利
質多羅樹彼諸鳥王持是殿堂蓋幢旛帳飛騰虛空
繞佛三匝亦復如是爾時彼諸鳥王敬繞佛已却住
一面曲躬合掌衆共一音以偈讚曰

歸命出離生死者

歸命救度生死人

歸命無等堅固士

歸命無上無等聖

願我當得堅固身

三十二相自嚴飾

復有八十隨形好

唯願我等如導師

願我圓光具威德

形顏功德皆成就

願得第一佛威儀

令他心淨證寂滅

願具持戒三摩提

亦得諸佛上智慧

願悉作佛度羣有

如佛今作世導師

世尊我願具十力

亦到十八不共岸

成佛智慧過世間

如今如來上中上

亦知衆生無體性

如幻如夢無所依

宣說如響如虛空

如佛今日爲衆說

爾時世尊知諸鳥王得敬信已現微笑相是時慧命

馬勝比丘見佛微笑以偈問曰

人中無上勝導師

非是無事現微笑

愍世間者爲我說

現此微笑何因緣

彼諸鳥王已供佛

寶殿幢幡空中現

令此天人生希奇

願兩足尊說是義

一切大衆合掌住

深心清淨皆欣喜

願聞金翅未來果

願兩足尊說此義

人中最勝若說已

一切大衆皆無疑

大衆離疑得無畏

如來智能令欣喜

大衆欣喜得無畏

離諸過惡心清淨

彼衆樂聞如來說

猶如弟子受師言

願斷大衆心所疑

願佛攝受令欣躍

大衆欣喜皆來集

願說金翅當來果

爾時世尊以偈答慧命馬勝言

十力真實超一切

八伎梵聲悉具足

降伏諸根爲馬勝

說於金翅未來果

善哉馬勝問是義

我現微笑愍世間

諦聽彼報以悅意

心當欣喜除疑網

鳥王於我設妙供

爲求無上菩提果

十種智力四無畏

得彼法故成導師

復求十八不共法

此等金翅供善逝

亦求堅固不壞身

三十二相八十好

求佛淨戒三摩提

諸佛境界大智慧

成就淨土度世間

金翅求此供養我

彼等信心供我已

智者能離畜生趣

當必得生於天上

此是惡道最後身

彼等後如恒沙劫

常生人中及天上

供養無量諸佛已

當得作佛伏諸根

彼佛國土無惡趣

具足身相離八難

彼佛同名普端正

其劫名曰須彌幢

八億四十萬歲中

憐愍世間故住世

彼時一切諸善逝

住壽佛事皆悉同

彼佛離熱度煩惱

一一諸佛八十會

一一會中八億人

離於憍慢得自在

以彼本有金色身

大力常懷憍慢故

後成佛時爲衆生

除斷憍慢轉法輪

彼等過去已曾爲

修極苦行仙人衆

其數八億六千萬

凡所修行爲神通

彼諸仙人得通時

歎已苦行爲希有

不犯禁戒具功德

居住林中生憍慢

以慢故生金翅中

以通心故具神力

戒清淨故得見佛

以慢故忘菩提心

如是佛授菩提記

及說金翅本所生

大衆聞已皆欣喜

喜已皆成菩提器

龍女授記品第六

爾時九億六千萬龍女見諸阿修羅迦樓羅供養世尊及授記已心生欣喜彼得欣喜踊悅稱心於世尊

所起心供養化作九億六千萬蓋皆七寶成毗瑠璃
網以覆其上赤真珠寶以爲網緣金爲蓋莖毗瑠璃
寶以爲蓋子數有百千襍寶流蘇垂下四面化作九
億六千萬馬青馬青色青形青光諸莊嚴具一切皆
青毗瑠璃寶以爲纏鞅於上虛空中化作大威德摩
尼寶車於其車上復有寶殿縱廣正等六十由旬其
殿徧覆諸來大衆其殿四面化作九億六千萬衆寶
流蘇周徧垂下甚奇微妙其諸光彩奪人心目化作
寶網彌覆殿上復有寶鈴懸殿四廂化作七寶鶴鵠
白鴿以次飛行繞殿四面又復化作九億六千萬種

諸龍音樂時諸龍女乘彼青馬各擲寶蓋於虛空中
 自然遊行是諸龍女各取樂器奏諸音聲繞佛三市
 以天栴檀末天沈水末多摩羅葉末天真金末及諸
 龍華并復化作種種之華而散佛上復以優波羅華
 流蘇種種襍色衆華流蘇種種無量襍香流蘇種種
 無量襍色之衣種種無量襍色纓珞以用散佛廣設
 供養亦如彼諸阿修羅王爾時九億六千萬龍女作
 音樂時以佛神力其聲徧滿三千大千佛之世界其
 中衆生聞是聲者於阿耨多羅三藐三菩提得不退
 轉於大威德衆寶殿中及寶流蘇衆鳥行間諸寶鈴

網微風吹擊出妙音聲其聲和雅甚可愛樂譬如百
 伎音樂善巧伎人之所擊作所出音聲和雅可愛於
 彼大威德殿乃至鈴網所出之聲亦復如是此聲亦
 徧三千大千佛之世界其中衆生若聞聲者於阿耨
 多羅三藐三菩提亦不退轉爾時彼諸龍女復更雨
 於種種天華種種天香與水俱下其香華氣順風逆
 風不順不逆皆悉能去以香水故於迦毗羅城縱廣
 正等六十由旬皆成香泥其香泥氣徧滿三千大千
 世界其中衆生聞是香氣亦於阿耨多羅三藐三菩
 提得不退轉爾時彼諸龍女供養佛已及九億六千

萬蓋九億六千萬馬九億六千萬音樂一切衆寶莊嚴其莖於虛空中頭面禮佛右繞三匝却住一面曲躬合掌以偈讚曰

諸龍女等有智慧

心意踊悅生欣喜

供養釋迦牟尼佛

願求安隱大菩提

化作九億六千萬

寶蓋及與妙莊嚴

供養善逝善調心

出離一切諸障礙

復化九億六千萬

妙馬及與莊嚴具

馬與莊嚴皆青色

亦復更有青色幢

彼馬一切空中行

詣於佛所作俱養

龍女咸有信敬心

頭面頂禮如來足

於龍宮中化音樂

爲供養故而持來

來已奉上釋迦文

應受供養大導師

善逝令彼音樂聲

徧滿三千大千界

無量衆生得聞已

皆悉不退菩提心

彼諸龍女於空中

化作一大衆寶殿

縱廣由旬有六十

徧覆十方一切衆

寶名威德熾然光

普照十方大千界

彼諸龍女大衆前

淨心欣喜供養佛

生於踊悅無等心

爲求安隱菩提果

願令我等當作佛

利益一切衆生故

我等願於無量衆

說法度諸煩惱纏

亦如十力大導師

現救苦惱衆生等

一切諸法如幻焰

亦如水沫不堅實

又如注雨所起泡

當知諸法無有主

衆生如像亦如影

如是觀察世間已

惟願我等爲衆說

法性真如及實際

如佛無過善見法

虛僞妄相誑愚者

如幻莊嚴無有實

唯能惑亂諸凡夫

衆生於法迷無智

不知諸法如實性

導師已見彼岸法

復能令他衆生解

虛空與雲徧覆地

見彼空雲猶如影

彼無體實無所依

亦復如影無有實

如是衆生無體性

唯能誑惑諸根門

佛智如是見有趣

但能誑惑無智者

世間尊重以此業

於智慧人作利益

如來示現無體性

一切衆生真實故

唯以實法悅預子

生死泥中作橋梁

愚癡實法非境界

由於著聲不求義

以佛無過我歸依

具足示現真實者

經
大寶藏經卷之三

能與愚夫作親救 歸趣舍宅善知識

如是為求大菩提 我等供養尊導師

願得作佛覺寤他 利益世間猶如佛

爾時世尊知諸龍女得深信已現微笑相爾時慧命

馬勝比丘以偈問曰

於世智中勝智者 最勝導師現微笑

尊重堅固德如山 今現微笑非無因

人中最上勝尊主 願為說此笑因緣

天人龍鬼若得聞 於佛皆生大欣喜

世間導師於世間 常知一切因緣法

無有一法佛不解 因緣種類佛悉知

惟願善逝見為說 如佛所知笑因緣

一切大眾若得聞 皆生欣喜除疑網

如來妙法有大利 此等大眾必當獲

大眾若得寂定心 由味妙法利益故

佛力令斷分別已 唯樂菩提聽佛說

若得聞於笑因緣 當必成就於佛道

若人於法情有疑 其心掉動生苦惱

現今此會大眾是 不知微笑因緣故

大眾堪能斷疑網 惟願導師令除滅

經
大寶藏經卷之三

速爲衆說度我等
誰於今日心清淨
誰於佛所生敬信
惟願導師大衆前
我等聞已生喜心
此諸大衆咸敬禮
願說笑因生喜故
此諸天人得聞已
若得聞於如來說
爾時世尊以偈答慧命馬勝言

以何因緣現微笑
誰於今日降魔怨
誰於今日供養佛
演說誰有如是力
生喜心已得安樂
一切皆有疑網心
惟願世尊斷衆疑
大衆當得無疑網
一切當得欣喜心

善哉善哉慧馬勝
見諸龍女供養已
我今爲汝說彼果
我今所爲現微笑
此諸龍女心無著
以智慧修世間空
於此無作無受者
但有諸法無餘事
以知恩故供養我
善哉佛解諸世間

能問如來笑因緣
我愍世間故微笑
離諸過惡至心聽
汝馬勝等聽我說
求大菩提修進行
決定安住菩提道
亦無生者養育者
其法亦妄如焰像
能以智慧知真實
所謂能見空無主

彼樂此空善修習

雖設供養猶如幻

於勝菩提所發願

觀彼菩提亦無著

此以無等供養佛

亦觀衆生空寂已

永離龍道惡趣身

與彼帝釋天中住

在切利天極受樂

盡彼天子壽命已

無能毀訾彼名稱

復得生彼夜摩天

居止夜摩天宮時

具受彼天勝妙樂

諸佛子等住彼中

乃至盡彼天壽量

此諸佛子具受樂

盡彼夜摩天壽已

復得往生兜率天

與彼處天同其類

為諸天女常圍繞

具受彼天勝妙樂

心無所著住善道

譬如蓮華水不汗

彼天能以大智慧

觀察一切世間空

猶如畫石字不滅

彼念不失亦如是

彼諸天子居彼天

具受彼中勝妙樂

於彼善道盡壽已

當更往生化樂天

彼得善名無能毀

為諸天女勝供養

雖在天宮心無著

乃至盡彼天壽限

於彼化樂天宮中

具受彼天勝樂報

彼智慧者命盡已

於一切法得究竟

往生他化自在天
住彼天中心無染
彼等居彼天宮殿
無愚癡者住善道
雖受天欲見其過
修習獲得禪定已
於梵宮中善知禪
智慧無等住一劫
住彼梵宮一劫時
方便以利益世間

作大商主信清淨
如是住時愛樂法
受彼極妙五欲樂
乃至盡彼限壽量
樂求寂定及涅槃
命終卽生梵天中
受彼禪果寂滅樂
願求無上大菩提
善住威儀求智慧
廣作無邊無有量

智住梵宮樂在禪
知著禪樂亦是過
於一切處心信解
知諸禪定虛誑相
彼諸佛子於彼中
在彼梵宮心清淨
諸梵天等自然教
唯有諸佛菩提道
梵天當時生信已
知彼梵天自然教

於禪不著而寂滅
諸根寂定求菩提
皆得安住菩薩行
唯求寂滅大涅槃
求於安隱菩提果
思利世間善調心
彼說梵教非出世
究竟能得出世間
發心安住於佛道
非是究竟出世道

於善逝法彼相應

為於世間說是法

如彼法眼所說果

令彼聞者速能知

彼等住彼梵宮時

作諸利益世間已

能令無量那由他

億眾安住菩提道

彼於無量那由他

當得供養一切佛

後於未來星宿劫

諸根寂靜當作佛

諸天人龍阿修羅

金翅夜叉乾闥婆

鳩槃荼鬼緊那羅

一切大眾皆欣喜

彼等一切佛教化

於佛法中得力已

皆悉欣喜合指掌

稽首頂禮於佛足

大寶積經卷第六十三

校諱

第八紙

十行間末
南藏作問

音釋

炷

朱戌切

寤

五故切寐覺而有言曰寤

羸

力迫切瘦也

枸欄

枸古候切欄落

干切門庭

櫛

即丁切闌櫛下橫櫛也

唵羅婆那

梵語也亦云唵羅那此云

香葉帝釋

纏鞞

纏居良切鞞勒也

鵠

鵠七岡切古活切

鳥名

嘉興包夫人楊氏

金壇

顧門孫氏共施刻

大寶積經第六十三卷

儀真趙之昂書

建陽鄒大成刻

30 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 22

經

大寶積經卷之六十三

三三

三四

干時現 翻 下 闕 謝 聖 羅 婆 淨 聖 羅 婆 北 云
扶 羅 也 也 羅 而 而 言 曰 羅 羅 也 也 林 羅 也 也 古 封
音 譯 天 人 龍 阿 修 羅 金 翅 夜 叉 乾 闥 婆
第 八 林 補 滿 卦 問 羅 十 十 間 未
林 羅 彼 等 一 切 佛 教 化 於 佛 法 中 得 力 已
 大寶積經卷第六十三

大寶積經卷第六十四

高齊北天竺三藏那連提耶舍譯

菩薩見實會第十六之四

龍王授記品第七

爾時難陀優波難陀龍王等九億諸龍見諸龍女設
 妙供養及聞龍女得授記已生希有心未曾有心作
 是思惟乃至如來世尊應正徧知希有未有以是如
 來知諸衆生機根深信如來無有少分不見不聞不
 證如來正法是其善說能令大衆聞已現知無有時
 節隨機授法必令得果令諸智者現得證知乃至女

經

大寶積經卷之六十四

一

八四

人動轉輕躁智慧淺短猶得解佛所說深法況餘智者善能安住如來法中諸弟子衆如諸女人欲心增上瞋心增上癡心增上猶能得知如來所說是故難隨優波難陀龍王及諸龍等於如來所生希有心生未有心爲供養故徧閻浮提諸山大海興雲徧覆一切世間普雨香水以成香泥彼香泥氣充滿三千大千佛刹其中衆生聞香氣者皆不退於阿耨多羅三藐三菩提於迦毗羅城縱廣正等六十由旬雨赤眞珠徧覆其地復以無價種種衆寶周徧覆尼拘陀園復以龍華化成妙堂縱廣正等六十由旬椽柱梁壁皆用七寶復更化作無量樂器爲供養故擊出妙音於彼龍華微妙堂中化作九億種種襍色衆華流蘇懸於堂上以毗瑠璃網覆諸寶柱以無價寶徧布堂下其寶柔軟譬如三十三天般籌絨婆羅石其石之色如毗瑠璃石觸柔軟如迦遮鄰提迦衣微妙可樂擊人眼目令諸天人愛戀繫念彼諸寶等亦復如是彼諸種種摩尼寶中或有出於涼冷光焰有出青水有出赤水有出白水有出黃水或復有出襍色之水或復有出涼樂之風或有寶珠隨諸衆生所須之事皆悉出之或復有寶出於腴澤或有摩尼堪爲明

鏡一切大衆皆現其中於迦毗羅大城之中所出人民隨其多少皆現寶中一切大衆皆悉覩見佛及聲聞作此種種神通變化以彼摩尼寶神力故於其地中出於種種襍色寶蓋及以種種襍色寶幢亦有種種襍色寶旛復出種種襍華流蘇亦有種種襍香流蘇復有種種襍寶流蘇復出種種眞珠流蘇復出種種襍色龍旛復出種種衆寶鈴網復出種種襍色良馬諸所出者皆是龍力爾時難陀優波難陀龍王及九億龍驅彼良馬隨而步行右繞三匝以妙迦遮鄰提迦柔輓之寶而散世尊於彼堂下地中所出種種衆寶上昇虛空雨於如來及聲聞上復以諸龍無量樂器於虛空中自然出好微妙音聲供養於佛爾時九億諸龍繞佛三匝已在於佛前合掌默然念佛功德瞻仰如來目不暫捨樂佛功德深心安住阿耨多羅三藐三菩提故彼等少時合掌默然念佛功德已偏袒右肩右膝著地合掌向佛五體投地爲佛作禮衆共一音以偈讚曰

久修威儀百福相

悲心離垢行具足

棄捨無盡衆寶地

世尊出於迦毗城

於六年中修苦行

如來不得甘露道

善逝意猶不退悶

以其久修智慧故

如來真是天人師

爲世間故修苦行

世人聞已尚不堪

況復能以目親觀

牟尼過去捨頭目

如聖所集菩提心

我等聞是不生樂

由聞如來苦行故

如佛本作忍辱仙

爲迦利王截手足

及劓耳鼻不生恚

我等聞是不能忍

如佛以身上稱槃

爲烏歸投不捨棄

我等聞已亦不樂

如來過去甚勤苦

何故我等心不樂

以世尊行極苦故

於如來所作惡者

墮惡道時佛復悲

具足聖慧大導師

云何能行不害心

修習道行無瘡疣

惟願佛說安樂行

今此龍衆已發心

求於善逝菩提行

如佛所說悉能行

惟願速說菩提道

此諸龍衆甚渴仰

唯求不死不生處

願說如來安隱行

令此衆生易受化

爾時世尊見諸龍衆設其供養及聞發願知深信已

佛於爾時現微笑相諸佛法爾若現微笑卽於面門

放種種色無量光明其光徧照上至梵天照已還來

從佛頂入爾時慧命馬勝比丘以偈問曰

善哉沙門大牟尼

非是無因現微笑

慈悲導師惟願說

無等善慧笑因緣

大眾瞻仰求欲聞

世尊無量功德行

於笑生疑心不樂

惟願法王斷眾疑

誰於釋迦佛法中

今生敬信心欣喜

誰令今日魔波旬

心意迷亂不欣樂

誰於今日能恭事

功德法王大導師

誰作第一勝供養

願釋師子上上說

此諸大眾合指掌

皆悉對佛瞻仰住

惟願眾師除疑網

為眾演說笑因緣

大眾聞已生欣喜

能知世尊正法教

大智世尊令眾喜

隨順正教善安住

爾時世尊以偈答慧命馬勝曰

深廣智慧大眾師

說時梵音具八種

清淨其心離穢濁

諦聽我說笑因緣

此諸龍王敬信心

於我設供超一切

是等為求佛菩提

利益一切世間故

悲心增上觀眾生

無有導師云何樂

我云何得大菩提

成熟眾生不疲勞

淡樂寂定具智慧

乘安樂乘心清淨

於空無相及無願

無量劫來久已修

其心平等觀世間

如佛所得智慧相

慈悲喜心皆平等

爲令世間安隱故

第一悲心憐愍者

當得作佛稱其意

彼等觀察世間已

當成導師號無怨

彼等當得甘露時

無有魔怨亦無餘

恒常演說無我法

一向無有世俗說

彼諸如來具大悲

令諸衆生入佛智

是諸善逝說法時

一切衆生皆信解

彼等世世修道時

成熟衆生不爲難

彼所成熟聞法已

當得解脫證甘露

諸聞法者悉解脫

是諸衆生皆端嚴

一切衆生皆能知

彼諸如來所說法

一切鬼神及畜生

無有不解彼佛語

一切皆得念法已

能解如來甘露法

無有衆生聞佛說

當時不生愛樂心

愛樂彼佛所說者

一切皆悉得甘露

彼時所有受化者

當得解脫生老病

及解脫死憂悲苦

聞佛說已心無垢

如是釋迦牟尼佛

說諸龍意答佛子

如彼堅智心中轉

爲得無等菩提故

如來授彼諸龍記

大衆聞已皆欣喜

大衆喜已歸依佛

一切皆悉心寂靜

鳩槃荼授記品第八

爾時復有諸鳩槃荼一億八千萬見諸阿修羅迦樓羅龍女龍王等供養如來聞授記已稱其心意踊躍欣喜生希有心得未曾有如來世尊功德智慧微妙殊勝得如是等希有供養不恆不喜以佛智慧於諸智慧最尊勝故譬如大海不增不減何以故以深廣故如是世尊得勝供養心無增減亦復如是何以故於一切法無所疑故爾時一億八千萬鳩槃荼等爲供養故化作一億八千萬蓋皆是七寶之所成就金線寶蓋銀線寶蓋毗瑠璃線衆寶之蓋玻璃珠線衆寶之蓋赤真珠線衆寶之蓋碼腦珠線衆寶之蓋硨磲珠線衆寶之蓋彼諸鳩槃荼於衆寶蓋懸寶流蘇有種種色金線寶蓋銀線流蘇銀線寶蓋金線流蘇毗瑠璃蓋玻璃流蘇玻璃寶蓋毗瑠璃線以爲流蘇赤真珠蓋硨磲流蘇硨磲寶蓋赤真珠線以爲流蘇碼腦寶蓋玻璃流蘇又復化作一億八千萬衆寶之

車亦種種色甚奇微妙所謂金銀琉璃玻瓈真珠磚
磔碼礪於其車上復更化作一億八千萬衆寶之蓋
與車相連一一寶蓋皆有百子其諸蓋莖皆用金銀
及以玻瓈毗瑠璃等於彼寶蓋復化種種寶華流蘇
嚴飾其蓋所謂金華流蘇銀華流蘇毗瑠璃華以爲
流蘇玻瓈流蘇赤寶流蘇龍珠流蘇赤真珠華以爲
流蘇復以赤真珠網彌覆其上又復化作鳩槃茶樂
出種種聲而用樂佛復更化作一億八千萬衆寶色
馬調伏駿疾以駕其車爾時鳩槃茶等各乘寶車繞
佛三匝以七寶華而散佛上爾時彼諸鳩槃茶等從
車而下來至佛前頭面禮已復繞三匝由躬合掌住
立一面以偈讚曰

不增不減大牟尼

譬如須彌諸山王

受此無上供養者

如來以得無畏故

觀諸衆生但有名

及但有不用取著

導師以修寂滅定

是故智者無貢高

牟尼知世猶如幻

亦如夢中受欲樂

復似水月春時焰

如是觀察悉無餘

譬如乾城無有實

於十方求不可得

其城無實但有名

佛見世法悉如是

一切人天所供養

寶車寶蓋及音樂

幢華流蘇合掌等

世尊觀知如影響

我等設是供養已

願我當來得作佛

亦願我知世如夢

知已說法如世尊

我等見諸苦惱者

生老病死之所逼

願知無比佛菩提

說令聞者得解脫

於諸無智衆生所

願得菩提爲說法

演說無有垢濁法

無導衆中爲作導

爾時世尊知諸鳩槃荼等深生信已現微笑相爾時

慧命馬勝比丘以偈問曰

佛非無因現微笑

不惟一切爲希有

如來不恠而現笑

我今願聞此因緣

一切天人皆有疑

見佛口中現微笑

惟願斷除諸疑網

演說世尊微笑事

誰於正法得深信

誰能如法見慈父

誰佛所讚行供養

人中勝者我願聞

今日誰於有爲行

見其過患能棄捨

今日誰能住實際

清淨心者我願聞

誰能降魔及眷屬

誰能令佛心欣喜

誰能得深有爲底

我願得聞斷疑心

一切大衆合掌住 爲聞如來笑因緣

願斷一切衆生疑 兩足尊者說彼記

爾時世尊以偈答慧命馬勝言

善哉馬勝問是義 汝於世間大利益

以汝問笑因緣故 諦聽馬勝我今說

鳩槃荼衆供養我 於寂滅法心得住

彼等見我不驚怖 心生希有起願求

彼等今日供養我 其心簡擇寂滅法

以深心信起大悲 於失道者能作導

愍衆生故供養我 爲失道者起慈心

此等賢智作是已 得捨鬼身生初利

天主恒以慈悲心 在天數數教導彼

彼於諸法得無疑 得爲帝釋親眷屬

彼於無量恒沙劫 一一國土行佛行

被大弘誓堅固鏡 供養具大正法者

彼於無量諸國土 心無疲倦令清淨

利益大衆作導師 當得作佛號不怖

彼於諸國行行時 是國人必知成佛

以此方便未來世 雖度衆生無怖心

爲求無上安隱道 淨諸國土都不怖

於所作事心無著 於大菩提亦如是
所問笑因我已答 衆生疑心皆得斷
大衆離疑得欣喜 以定得知彼供養

乾闥婆授記品第九

爾時復有三億六千萬乾闥婆衆見諸阿修羅迦樓
羅龍女龍王鳩槃荼等供養世尊聞受記已稱其心
意欣喜踊悅生希有心得未曾有歎言希有未曾有
事乃至如來所說法界無有變異而示有作善根增
長雖無作者而示作業彼乾闥婆等於此法中如是
知已於如來所心生尊重發阿耨多羅三藐三菩提
心彼欣喜已爲供佛故化作三億六千萬頭唵羅婆
那大龍象王皆有六牙一一牙上化作七池一一池
中化七蓮華一一蓮華化作千葉一一葉上化七玉
女一一葉間化七侍女以天諸寶爲莊嚴具而用莊
飾復執天香而用供養復於一一唵羅婆那象王頭
上化作三億六千萬蓋七寶流蘇懸蓋四邊七寶羅
網以覆蓋上復於一一唵羅婆那象王頭上化作三
億六千萬帳皆是諸天妙香所成繪綵流蘇懸帳四
邊化作三億六千萬頭唵羅婆那大象王已彼乾闥
婆等各乘其象鼓天音樂於虛空中旋繞如來三十

六市以天梅檀末天沉水末天多摩羅葉末天真金
末曼陀羅華摩訶曼陀羅華曼殊沙華摩訶曼殊沙
華波樓沙華摩訶波樓沙華迦迦羅婆華摩訶迦迦
羅婆華又復化作七寶之華而散佛上彼乾闥婆等
散香華時是香華氣逆風順風縱橫皆去復雨種種
天妙香水雨香水時於迦毗羅城縱廣正等六十由
旬皆成香泥其香泥氣充滿三千大千世界其中衆
生聞香氣者皆悉不退阿耨多羅三藐三菩提奏音
樂時其諸音聲徧滿三千大千世界其中衆生聞此
聲者亦得不退阿耨多羅三藐三菩提如是——諸
乾闥婆各於三億六千萬象王頭上設其供養令諸
王女有作樂者有作歌者有作舞者彼諸王女作歌
舞時令諸大衆一心觀望復有王女動身手者散梅
檀末者散沉水末者廣作供養如阿修羅所設之事
等無異也爾時乾闥婆等各乘唵羅婆那大象王頭
於虛空中繞佛三十六市已各從象下復繞三市頭
面禮佛曲躬合掌在一面住以偈讚曰

世尊勝慧出有頂

自既出已復度他

一切世間無如佛

相好光顏極端正

人中最妙無邊稱

示現世間不思議

不見一法性相異 而令衆生住於善
無有變異真如法 但有言說無餘義
無有用事及用者 雖然佛化諸羣生
不來不去亦不生 佛能演說如是法
雖說諸法體性空 世雄而令修習道
無有一法能自作 世間明者說有作
諸法各各不覺知 世尊示現一切作
如車多集衆分支 彼支不知自能作
其車功用現可見 佛說諸法亦如是
諸法各各不相教 亦不迭互相覺寤

一切亦復不相依 法本不生亦不死
佛爲世諦如是說 世諦諸法不全無
如世諦法體性住 如是知已爲衆說
世尊如是說諸法 大悲所作甚奇特
諸法體性不可見 如來方便說其住
我等願作無邊稱 具百福相大導師
大悲利益諸世間 願作世親如今佛
我等願於闍障者 隨順貪駛欲流者
渴愛所纏百苦者 救濟度脫如世尊
我等願於衆苦者 不見彼岸魔縛者

走如猿猴輕躁者

救濟度脫如世尊

我等願於盲冥者

六趣往來疲勞者

於已自壞業果者

救濟度脫如世尊

爾時世尊知彼三億六千萬乾闥婆衆深生信已現
微笑相爾時慧命馬勝比丘以偈問曰

無邊威德現微笑

導師如是非無因

願佛速說此因緣

斷除衆生諸疑網

今見世尊微笑已

大衆皆悉爲疑網

一切願聞微笑義

惟願大悲斷衆疑

誰於佛法生敬信

能得離於諸疑網

佛知衆生深信已

人天勝者故現笑

誰有智慧能隨順

如來所說眞如法

知其念慧解行已

在大衆中現微笑

一切大衆無異心

唯欲樂聞雄猛說

合十指掌在首頂

一心瞻仰如來面

離諸穢濁無憂慮

世眼現在故欣喜

爲除一切心疑惑

願大悲說笑因緣

爾時世尊以偈答慧命馬勝言

我所現笑爲世故

善哉汝問正是時

大衆善根當增長

爲我微笑授記事

馬勝諦聽我所說

導師所現此微笑

我今當正說彼義

汝應欣喜聽我說

乾闥婆王敬信佛

其心清淨生欣喜

依於實法入法已

於佛正法生希奇

諸法寂滅安不動

此等大衆趣實際

如乾闥城如是入

供養於我無有等

如是諸法無有生

一切亦復不盡滅

大衆思惟如幻住

未能解了生疑惑

不可說法方便說

我以真實故如是

彼等入我正法已

乘大龍象供養佛

觀察菩提無生滅

乾闥婆王供養我

悲愍愚迷衆生等

是故求大一切智

彼等發願當作佛

令諸愚迷失智者

入眞實法安住已

使得不死寂滅句

此等作是供養已

捨離鬼身心喜悅

定得往生天宮中

恒與帝釋相親近

得值多億那由他

供養無垢諸善逝

從一佛刹至一刹

於諸佛所得聞法

彼等修淨佛行已

所得佛土亦清淨

化無量衆發道心

令其增長佛種子

知諸世間性空已

亦以此法教導他

令衆安住一切智

住世無量那由劫

彼佛同號無邊慧

一一諸佛住於世

皆悉無量那由劫

演說佛道令他聞

如是釋迦牟尼佛

說乾闥婆供養報

與其授記令得聞

馬勝所問笑因緣

大衆聞已皆欣喜

知彼佛記甚可樂

聞是無等佛記已

皆悉歸依釋迦文

大寶積經卷第六十四

音釋

躁

則到切動也

椽

重椽切椽榑也

劓

魚記切

也

疣羽求

駿

祖峻切馬良逸也

鎧

可亥切甲也

迭

迭徒結切互胡故切

請

更迭

猿猴

猿猴胡鉤切獼猴也

差互也

金壇千門虞氏施贊刻此
大寶積經第六十四卷
儀真趙之昂書
萬曆乙未孟秋徑山興聖萬壽禪寺識

叙州沙彌性淨對

甚愛樂已爲供養故發勤精進亦以偈讚曰

我等今讚利世者 以佛智力具足故

無盡無量如大海 故人師子身無等

須彌可得知輕重 虛空可得知廣狹

如來所有智慧力 一切不能得測量

知諸衆生敬信心 是故應度皆已度

於其度者知所趣 故佛無比亦無等

隨彼所修善惡界 一切生處受其身

知彼根信所應受 故佛無比亦無等

貪欲惡行瞋恚行 及以癡行佛悉知

憍慢嫉妬亦如是 故佛無比亦無等

衆生於此多所失 如來善知彼業道

世尊知彼甚捷利 故佛無比亦無等

善逝善見諸世間 隨其方面所失者

及以語言所喪失 世尊見彼悉無餘

於六道中幾時住 隨彼多少所受苦

及其所受種種身 世尊一切悉知見

隨其煩惱力所起 造作方便及與業

隨業所受種種苦 導師一切悉了知

隨其所未解脫道 於佛法中已出家

精勤修學聖道已 盡諸煩惱佛悉知
於佛法中有凡夫 雖得出家不知義
誹謗明人微妙法 世尊亦復善見彼
彼諸誹謗正法人 業行所得衆苦惱
隨其地獄久近住 如來亦能具足知
於佛深得敬信已 出家受持正法藏
觀察諸法皆悉空 斷除一切諸有道
不願一切諸翹身 觀察此身猶如幻
知諸音聲亦如響 堅住道者佛亦知
讚歎無等大導師 我今所得福德聚

以此福德願成佛

亦願衆生成自然

爾時世尊知夜叉衆深信心已現微笑相爾時慧命
馬勝比丘以偈問曰

人中師子所現笑 惟願說其笑因緣
一切諸佛非無因 而現微笑人中月
今此大衆皆懷疑 以見導師微笑故
惟願世尊除其疑 皆令此衆得欣喜
今於佛所得信者 及知微妙正法者
其心堅固不動者 願佛宣說令彼聞
此諸大衆皆懷疑 一切瞻仰如來面

今日當有何等事
今日誰現大神力
今日佛共誰親友
善哉牟尼愍世間
天人大衆若得聞
爾時世尊以偈答慧命馬勝曰

善哉馬勝汝所問
由汝能問笑因緣
我今盡當答彼義
知諸夜叉心意已

惟願世尊斷彼疑
今日誰發大精進
於此大衆願顯現
惟願斷除諸疑惑
今日必當大欣喜

今當大利諸世間
故歎汝善解我意
汝當一心專諦聽
我爲世間現微笑

夜叉諸衆心敬信
歎佛真實功德已
爲知諸法空寂故
於諸趣中願捨已
以禪定力知諸陰
不著諸有如蓮華
於諸有中障礙事
知佛菩提無上已
諸生老死皆悉空
知法自性空寂已

以知菩提寂滅故
發心趣向大菩提
除遣一切所有相
發心趣向大菩提
但是世諦不取著
發心趣向大菩提
彼見空故不爲縛
彼等能修菩提行
此卽無上菩提道
能得安隱大菩提

知陰自性空寂已

寂靜菩提性亦離

所修菩提行亦空

此智能知非凡了

能觀智慧性自空

所觀境界皆寂滅

知者亦空知是已

是人能修菩提道

當知空亦性自空

相願亦復無體性

若有人能如是知

是人能修真實行

天人大衆聞是已

心生欣喜獲利益

一切於佛敬信已

心住菩提寂靜句

今此殊勝供養已

夜叉之衆心清淨

此諸智者捨鬼道

於善趣中久受樂

彼於未來多億佛

以神通力一念中

於多佛土修供養

卽於佛所獲得忍

於諸世界不起相

智者能以神力往

觀此世間猶如化

智者遊行無所著

此等勇猛供諸佛

當得無上大菩提

亦得無上淨佛土

其中當度無量衆

彼等當成世間解

一切同躡無邊智

名聞十方壽千劫

寂滅智慧壽命等

彼等所有聲聞衆

猶如靜夜諸星宿

彼悉易得大菩提

一切無有苦難事

天人大衆聞是已

爲於菩提心踊悅

其心堅固發精勤

以精進力持諸行

緊那羅授記品第十一

爾時復有八億緊那羅衆大樹緊那羅王以爲上首見諸阿修羅迦樓羅龍女龍王鳩槃荼乾闥婆夜叉等供養如來及聞授記已甚生希有未曾有心作是思量此實希有未曾有事以其衆生不可得故無命者故無生者故無有人故無摩那婆故無養育故無壽者故無有我故亦無我所故以諸陰故名爲衆生一切諸陰亦不可得以其界故名爲衆生一切諸界亦不可得以前有入故名爲衆生一切諸入亦不可得以前有業故得有果報而彼行業亦不可得無上菩提亦不可得一切菩薩亦不可得一切諸佛亦不可得世尊雖爾而復與諸菩薩授記以何義故如來與諸菩薩授記示其名號顯現業報說其當來菩薩大衆復顯諸佛神通之力又復說於正法之力亦復顯現莊嚴佛土宣說衆生有業有報又復說於清淨佛刹亦顯菩薩遊諸佛國從一佛土至一佛土復演菩薩往彼供養亦說供養殊勝神變又列供具微妙希有又復說於經若干劫當得作佛其佛住世經若干劫

其佛當有若干聲聞彼佛滅後正法住世經若干劫
何故如來捨諸衆生入般涅槃爾時大樹緊那羅王
生此疑已與八億緊那羅衆從座而起偏袒右肩右
膝著地合掌向佛以偈問曰

我等聞佛所記已

甚生疑惑大智慧

既說授記復言空

我於二說不能解

既說空寂離自性

法界平等無變動

而復如來受供養

此事云何衆中月

佛既說於無有生

而復說發菩提心

於無量智二種說

此言祕密我不解

云何言滅不可得

而人師子說有死

惟願如實爲記說

除斷我疑令無餘

云何佛說猶如幻

又復顯示生天中

於釋師子如是說

此祕密教我不解

佛說諸法無所依

而復說依善知識

此是世尊祕密語

我實不解人中雄

云何說於無所堪

復教衆生修諸業

降伏怨敵天中尊

祕密之說我不解

云何佛說性自空

復言觀空得解脫

我今於此不能解

願無邊智斷我疑

云何佛說事盡滅

復說諸法性寂滅

我今惟願無等等

開顯此等祕密說

云何端正須伽陀

顯示諸法如虛空

而愚癡人毀謗法

死必墮於大地獄

大雄恒說諸天道

又復說於諸餘趣

既言此等由作業

復道無有作業者

不可勝者所宣說

種種差別不可知

我今於此生疑惑

惟願世尊見除斷

既言善業無可集

復說修行得菩提

沙門法王如是說

此亦我等不能解

云何說法不可盡

而言謗者罪可畢

無量智慧願開示

我於是中大有疑

如來既說真際法

復言顛倒及施等

無翳淨眼滅罪者

此義惟願爲我說

餘無有能爲我等

宣釋如是我所疑事

唯有如來能斷除

是故我敬一切智

爾時世尊聞大樹緊那羅王等問諸疑已以偈答曰

汝言說空復授記

於此二事不能解

諸法若是不空者

佛不爲其說授記

以何因緣如是說

諸法若有體性者

一切常住不可轉

彼應不減亦不增

諸法體性本自空

猶如平正清淨鏡

能現一切諸色像

如是當知一切法

法界無有變異相

汝於一切供養物

一一諸分當觀察

何等分中而有相

法界常住無變異

智者應當如是觀

諸凡夫人悉迷惑

無智慧故不能解

汝言佛說無有生

復說發心為難解

汝等今當一心聽

十力所說祕密義

凡夫沒溺生死河

亦復繫心著彼處

心常懷於想顛倒

故受生死諸苦惱

從本已來未聞法

我若為彼定說者

凡夫愚人於此法

轉復增長諸疑惑

彼聞菩提勝利益

其心專注於彼果

其心又復生味著

自然勝智無能通

汝言無滅復有死

此二我今不能知

於此一心應諦聽

我當為汝真實說

為彼計常諸眾生

是故如來說於滅

恒見諸有皆衰壞

無有一法是常者

汝言諸法猶如幻

復言生天懷疑者

學人凡夫善翹等

是法不定故如幻

如汝所言無有依

復言依止善知識

欲求棄捨依止故

善友為說無所依

汝言畢竟無堪能

復言有作我不解

當觀車為眾分成

亦觀車有所作事

若復有人著於我

亦復取於我所為

我為是等說無堪

雖復如是非無作

汝言一切性自空

復疑觀空得解脫

顛倒愚癡無智者

不能了知體性空

從於妄想分別生

虛妄攀緣故被縛

為化如是眾生故

善逝說於性非有

如汝所說事盡滅

一切諸法性亦滅

迷惑無智諸眾生

妄分別故生渴愛

譬如渴者見陽焰

以憶想故增長渴

愚人復為虛妄害

於無所有起分別

渴者妄生見水想

陽焰之處水本無

妄想所害諸眾生

於諸不淨起淨想

愚癡凡夫愛所縛

彼穢惡中性無淨

譬如陽焰似水相

彼中體性實無水

如是身中無淨色

身色亦復性非淨

愚癡凡夫顛倒見

妄作淨想而被縛

雖說諸法如虛空

亦說謗者墮地獄

愚人聞之生怖畏

智者雖聞心安隱

世間體性自空寂

愚癡無智起我想

彼等若聞性空教

怖畏不得更受生

彼等毀謗妙空法

皆由計著我見故

如人繫縛於虛空

是無智人墮地獄

我本所說諸善趣

及為世間說餘道

說有作業而不失

亦奪其執有作者

一切諸趣猶如夢

我為汝說如是知

夢中無有去來相

顛倒見者著去來

我既演說有作業

十方推求無作者

譬如猛風吹諸樹

其樹相觸則火出

其風及樹不作念

言謂我等能出火

雖復如是而火生

當知有業無作者

汝言福德無積聚

復云善得菩提果

我今真實為汝說

汝當專諦至心聽

譬如世人得長壽

其命至於百餘歲

然彼歲數無聚積

一切緣集亦如是

汝言諸法無有盡

復言我說業可畢

觀空法者無有窮

隨世法故業有盡

我雖說有實際法

顛倒亦非實際外

顛倒愚癡衆生輩

不能了知真實際

緊那羅王當諦聽

爲具智慧勤進者

一切諸相皆一相

所謂無相應當知

若能解入於一字

我爲智者說菩提

一切諸法皆無作

此說阿字總持門

一切菩薩之所行

無邊之相我已說

此亦能入一切法

所謂阿字總持門

一切諸法皆寂滅

示阿字門令得入

樹緊那羅應當知

此亦阿字總持門

一切諸法無分別

入此法門已宣說

緊那羅王應當知

此亦阿字總持門

一切諸法無自性

示阿字門令得入

樹緊那羅應當知

此亦阿字總持門

一切諸法無有邊

以阿字門說諸法

緊那羅王應當知

此亦阿字總持門

盡無盡法我已說

應說一切法無盡

一切十力諸如來

已說無盡總持門

一切諸法無有門

物無有故現非有

此亦卽是總持門

由是能入阿字門

於諸不可思議法

諸佛依實能顯示

樹緊那羅應當知

此亦阿字陀羅尼

一切諸法無所趣

我爲智者說菩提

此亦卽是總持門

是阿字門應當入

一切諸法無有來

若不修者則不得

此亦是其總持門

是阿字門應當入

諸法假名皆當有

推其自性不可得

此亦是其總持門

是阿字門應當入

一切諸法無自性

推其自性不可得

此亦是其總持門

是陀羅尼佛所說

一切諸法不可得

以法自性無故然

此亦是其總持門

是阿字門應當入

樹緊那羅應當聽

一切諸法離思念

此亦是其總持門

是陀羅尼善逝說

諸佛世尊已顯示

法無實故無障礙

此亦是其總持門

當入阿字陀羅尼

一切諸法無障礙

無有能障諸法者

此亦是其總持門

入阿字門我已說

一切諸法無有生

智者當知唯一相

彼一切法無生者

當知是法無有名

一切諸法無有生

其生本來不可得

此亦是其總持門

是阿字門應當入

若法無實無生者

不可覩見不可示

諸法自性不可得

是故無有能見者

一切諸法無有比

是故一相無有相

譬如虛空無有等

一切諸法亦復然

一切諸法無增減

非一非二非熱惱

亦非是冷復非熱

以非有故不可見

無有曲相及直相

亦復無有明闇相

亦無見聞諸相等

是無所有陀羅尼

非是諂曲非正直

無有卷舒諸相等

亦無瞋恚及欣喜

復無起作與寂滅

無有入相及出相

無進無退無來往

亦復無眠及無寤

離覺知相應當知

非是其眼復非盲

無有能見及暗障

亦無開相及閉相

非是調伏非不調

非是掉動及止息

亦非世間非涅槃

非是真實非虛妄

如是當知佛境界

爲欲調伏世間故

斷除汝疑我無疑

第一義中無人能 除斷一切他疑網

爾時大樹緊那羅王聞佛說於總持之門心大欣喜
既欣喜已發勇猛心卽時化作八億重閣此諸重閣
或在樹上或蓮華上或在山上皆是七寶之所莊嚴
彼諸重閣皆以種種衆寶之蓋種種寶幢而用莊嚴
復以種種寶華流蘇種種襍色繒綵流蘇而爲莊飾
爾時大樹緊那羅王并及八億緊那羅衆持香山中
所有水陸一切諸華以散佛上既散佛已一一各昇
七寶重閣繞佛三匝復以水陸所有諸華重散如來
復繞三匝爾時大樹緊那羅王及與八億緊那羅衆
從重閣下復繞三匝頂禮佛足一心合掌瞻仰世尊
目不暫捨却住一面思念如來過去現在無量功德
爾時世尊知大樹緊那羅王及八億衆深心樂欲現
微笑相爾時慧命馬勝比丘以偈問曰

善逝非是無緣笑 天人所供如實說

衆觀佛笑悉懷疑 今見最勝如初月

妙色世尊誰今日 於無二法起勝慧

我於今日懷疑惑 惟願人尊除我疑

誰於佛法得淨心 如來由彼現微笑

惟願如來爲記說 言說中勝斷我疑

是時一切諸大衆

若聞佛說皆欣喜

願除彼等諸疑惑

如佛所教皆能行

是故最勝兩足尊

除斷疑惑爲記說

願爲緊那羅王等

及爲一切諸衆生

爾時世尊復以偈頌答馬勝言

善哉馬勝知時問

我今爲汝分別說

由汝問故我顯示

衆人當得佛功德

汝當清淨專一心

聽希有事勿亂意

所謂善逝最勝智

無有障礙大知見

緊那羅王設疑問

爲利一切諸衆生

我今說彼當來果

諦聽我當斷汝疑

樹緊那羅八億等

王及臣民諸眷屬

是等於我供養已

從此命終生天上

從此已後九億劫

流轉在於人天中

具足修習五神通

得智自在心自在

彼於那由他佛刹

是人師子遣化往

身處天宮而不動

恒受禪悅安隱樂

彼於九十千萬劫

在於人天流轉已

各各自於佛刹中

皆得成於無上道

其劫號曰常照曜

於彼劫中成佛道

此皆一生補處人 彼智慧者當得佛
彼佛國土無一人 非是修行成熟者
皆是一生補處人 無求聲聞二乘者
一切皆是大菩薩 爲世明者悉生彼
悉是一生補處人 後當皆得成佛道
彼土諸大菩薩衆 安住弘誓大願中
我於無量諸佛刹 皆悉修治令清淨
彼菩薩願甚廣大 於長夜中善思量
以其清淨信樂心 各自修治已佛刹
彼諸佛土妙莊嚴 遠離一切諸煩惱

其地徧有諸宮林 解脫一切諸惡道
所有諸過及八難 彼佛國土悉皆無
既修清淨佛刹已 衆生便即易調伏
如是世尊天中天 爲緊那羅說授記
彼時一切諸大衆 聞已心皆大欣喜
大寶積經卷第六十五

金璽于門范氏 沈氏共施贊刻此
大寶積經第六十五卷 叙州沙彌性淨對
儀真趙之昂書 溧水端繼武刻
萬曆己未孟秋經山與聖萬壽禪寺識



0
1
2
3
4
5
6
7
8
9
200
1
2
3
4
5
6
7
8
9
210
1
2
3
4
5
6
7
8
9
2

方輿彙編卷之十三

十三

五

詩經卷之十三

詩經卷之十三

詩經卷之十三

詩經卷之十三

詩經卷之十三

詩經卷之十三

爲烈附錄備註

衆生野田息臨

文附國土系者然

豫知一附附錄

明身如管天中天

鴉粉靑歌辭曰

似音請歌文人鑿

六州縣官請宮林

二十三

20
1
2
3
4
5
6
7
8
9
200
1
2
3
4
5
6
7
8
9
210
1
2
3
4
5
6
7
8
9
2